


明鑑易知錄

五

413
537
53



413  
537  
53

尺木堂明鑑易知錄卷之九

天正十一年二月

周之炯靜專

上虞朱國標聖懷鈔 山陰吳乘權楚材同輯

周之燦星若

明紀

世宗肅皇帝

編癸亥四十二年春三月以嚴訥為吏部尚書李春  
芳為禮部尚書編夏四月嚴世蕃逃歸紀世蕃未達  
雷州至南雄而返羅龍文亦逃伍潛往歙攝縣屬江

州藏匿亡命刺客。一日被酒大言曰：要當取應龍與徐老頭洩此恨。地徐階聞厚為備。嚴嵩久之亦聞驚曰：兒誤我多矣。天初階之入政府也，有隨嵩者且十年，幾不敢講鈞禮。嵩懲夏言禍。見上卷十四亦頗自恭謹。惟世蕃多行無禮，階既曲忍，嵩亦不知也。方應龍疏上，階往謁慰藉甚。嵩喜頓首謝。世蕃亦盡出妻子為託。既歸，其子密啓曰：大人受侮已極，此其時已。階偽罵曰：吾非嚴氏不至此。負心為難。去聲人將不食吾餘。嵩遣所親探之，語如前。蓋階亦知上猶眷戀，未能即劾也。

徐階深識

嵩既去，書問不絕。久之世蕃亦忘舊事，謂徐老不我毒。鳩聚也工大治館舍，陰賊彌甚。

編甲子四十三年秋七月，以諭德張居正充裕王府

講官。編多十月復逮嚴世蕃下獄。紀先是御史林潤

既劾鄒懋卿罷去，知讎在必報。會袁州今江西推官

郭諫臣以公事過嚴嵩里。在袁州府分宜縣工匠千餘方治

園亭，其僕為督諫臣至箕踞。坐伸兩足以手按膝形如箕也不起。役

人戲以瓦礫力小石擲諫臣亦不禁。諫臣遂具揭土之

潤潤得之大喜，乃上疏言。臣巡視上江，備訪江洋盜

郭諫臣具揭上林潤

賊多人逃軍羅龍文之家龍文卜築深山乘軒衣蟒有負險不臣之志推嚴世蕃為主事之世蕃自罪謫之後愈肆兇頑日夜與龍文誹謗朝政動搖人心近者假治第聚衆至四千人道路洶洶咸謂變且不測乞早正刑章以絕禍本疏入詔以世蕃龍文即付濶逮捕逮及也其人在直追取之至京濶下郭諫臣捕捕者其人亡則討捕之世蕃徽州府推官栗祁捕龍文自駐九江今江西府勒兵以待

編乙丑四十四年春三月嚴嵩削籍沒其家其子世

嚴世蕃伏誅

蕃及羅龍文伏誅紀初林濶聞命馳至九江郭諫臣白監司盡散其工匠四千人龍文走匿世蕃家捕得之濶因諭袁州府詳具嚴氏諸暴橫狀得之復上疏數上聲世蕃父子罪上怒詔下法司訊狀已而徐階具疏以聞疏中極言事已勘實其交通倭寇潛謀叛逆具有顯證請亟正典刑以洩神人之憤上從之命斬世蕃龍文於市二人聞相抱哭家人請寫遺書謝其父不能成一字都人聞之大快各相約持酒至西市看行刑已而籍嵩家得銀二百五萬五千餘兩其珍

異充斥踰於天府。編冬十二月。詔萬家鄢懋卿並充

軍。編嚴嵩死。嵩寄食故舊未幾死

編丙寅四十五年春正月。帝不豫。紀先是方士王金

陶傲劉文彬申世文高守中陶世恩仲文偽造諸品

仙方。以金石藥進御。性燥熱。帝服稍稍火發不能愈。

至是諭徐階欲幸承天。見上卷十一拜顯陵。見同上取藥服

氣階奏止之。編下戶部主事海瑞獄。紀瑞上言陛下

即位初年。敬一箴心。冠履分辨。天下忻忻謂煥然更

始。無何而銳精未久。妄念牽之。謬謂長生可得。一意

海瑞諫服藥求長生疏

脩玄。土木興作。二十餘年。不視朝政。法紀弛矣。數朝

行推廣事例。名器濫矣。二王不相見。人以為薄於父

子。以猜疑誹謗戮辱臣下。人以為薄於君。臣樂西苑

而不返。大內人以為薄於夫婦。今愚民之言曰。嘉者

家也。靖者盡也。謂民窮財盡靡有孑遺也。然而內外

臣工。脩齋建醮。相率進香。天桃天藥。相率表賀。陛下

誤為之。羣臣誤順之。臣愚謂陛下之誤多矣。大端在

玄脩。夫玄脩。所以求長生也。堯舜禹湯文武之為君

聖之至也。未能久世不終。下之方外士。亦未見有歷

漢唐宋至今存者。陛下師事陶仲文。仲文則既死矣。仲文不能長生。而陛下獨何求之。至謂天賜仙桃藥丸。怪妄尤甚。桃必採乃得。藥必搗乃成。茲無因而至。有脛形去聲行邪。云天賜之。有手授邪。然則玄脩之無益可知矣。陛下玄脩多年。靡有一獲。左右奸人。揣逆聖意。投桃設藥。以謾長生理之所無。斷可見已。陛下誠翻然悟悔。日且視朝。與輔宰九卿侍從言官講求天下利害。洗數十年君道之誤。置身堯舜禹湯文武之域。使諸臣亦洗心數十年阿君之恥。置身臯夔伊

傅周召之列。民熙物洽。薰爲太和。陛下性中真藥也。道與天通。命由我立。陛下性中真壽也。此理之所有。可旋至。立效。乃懸思服食不終之餌。鑿想遙興。輕舉之方。求之終身不可得已。疏奏上大怒。命逮繫瑞鎮撫獄。編三月。以禮部尚書高拱爲文淵閣大學士。編冬十二月。帝崩。紀上疾甚。自西苑還乾清宮。遂崩。大學士徐階等啓請皇子裕王主喪事。宣遺詔曰。朕奉宗廟四十五年。享國長久。累朝未有一念倦倦。惟敬天勤民是務。祇緣多疾。過求長生。遂致奸人誑惑。自

釋海瑞

今建言得罪諸臣存者名用沒者卹錄見監者卽釋復職編皇子裕王載厚厚卽位編釋刑部主事海瑞於獄擢為通政使

穆宗莊皇帝

名載厚世宗第三子初封裕王在位六年壽三十六歲而崩

穆宗初政

編丁卯穆宗皇帝隆慶元年春正月立妃陳氏為皇后詔錄用先朝建言諸臣楊繼盛沈鍊等並復職贈蔭諭祭編追贈王守仁為新建侯諡文成進高拱少傅武英殿大學士謝病歸以禮部尚書陳以勤為文淵閣大學士編二月以禮部右侍郎張居正

為吏部左侍郎兼東閣大學士直內閣編三月葬

求陵方士王金陶倣申世文劉文彬高守中陶世

恩伏誅四月進張居正禮部尚書武英殿大學士

編戊辰二年春正月進大學士張居正少保進陳

以勤太子太師武英殿大學士名南京禮部尚書

趙貞吉為講官掌詹事府編二月帝耕藉田見一卷

編三月立皇子翊鈞為皇太子編科臣石星上疏言

六事詔廷杖削籍紀星上言六事一曰養聖躬長夜

之飲不可不節二曰勤聖學經筵久輟屢請未復三

石星疏言六事

廷杖石星

男化婦人

罷劉體乾

禁錮李芳

曰勤視朝總理萬幾周知民隱四曰速俞允言涉聖  
 躬者畱中不下事于內庭者稽遲不允五曰廣聽納  
 六曰察讒譖疏奏上怒命廷杖削其籍編秋七月陝  
 西民李良雨化為婦人編冬十月戶部尚書劉體乾  
罷紀先是內降戶部採買珍珠金玉等項尚書高曜  
 即名商收買應命及體乾為尚書抗論財用闕乏請  
 停採買疏至文思房不肯收命齋本吏領回體乾復  
 令齋往吏被毆逐將原本送內閣未及進呈忽內降  
 著丈入致仕去編十一月杖內監李芳繫獄禁錮之  
聲

紀芳數

朔

以直諫忤旨同輩亦恨其正直共短之上

命緹騎

見七

杖之繫獄待決刑部尚書毛愷言刑人

於市與眾棄之

此禮記王制篇辭

非惟死者不寃亦令生者

不犯李芳供事內廷罪狀未明莫知所坐上曰芳無

禮第錮之

詹仰庇削籍為民

編已巳三年夏五月逮御史詹仰庇祕杖一百削籍

為民紀仰庇言陛下取戶部銀盡以供造鰲山脩理  
 宮苑花欄龍鳳鞦韆架金玉器物之費使羣小因而  
 乾干沒為聖德累不小上怒命錦衣衛逮治杖一百



削籍為民。大學士李春芳等疏救。不聽。編六月。以海瑞為右僉都御史。總理糧漕。巡撫應天等處。秋七月。建極殿。大學士徐階致仕。詔起高拱為武英殿大學士。八月。以趙貞吉為文淵閣大學士。

編庚午四年春正月。太子太師陳以勤致仕。編冬十月。

俺荅來請盟。通貢市馬。紀俺荅孫把漢那吉率其

僕阿力哥等來降。總督王崇古納之。邊吏譁曰。此孤

豎。汝無足重輕。宜勿畱。崇古曰。此奇貨。可居。呂不韋見秦異

人曰此奇貨可居俺荅即急之。因而為市。諭以執送叛人趙

王崇古納俺荅孫

全等。我歸其孫。若其弗急。則我因而撫之。如漢質子法。使招其故部。居近塞。俺荅老且死。其子黃台吉。勢不能盡有其眾。然後以居耆谷。祿蠡俱王秩置塞外。其與黃台吉構。則兩利而俱存之。弗構。則以兵助之外。博興滅扶危之名。而實收其用。事聞。廷臣喧然以為不可。御史葉夢熊爭之尤力。上曰。慕義來降。宜加獎勵。其以把漢那吉為指揮使。阿力哥為正千戶。各賜衣一襲。俺荅妻恐中國殺其孫。日夜怨俺荅。俺荅亦自悔。遂擁眾十萬。壓境。崇古命百戶趙崇德往諭。

小吏得官  
本土

以國恩夢邀其縛叛示信。俺荅夫婦感且愧曰：漢乃肯全吾孫，吾且齧臂盟，世世服屬，何有於叛人？遂定盟。通貢市馬。編十二月，詔進王崇古少保兵部尚書。紀俺荅執趙全等來獻，崇古遣那吉歸，那吉感泣誓不敢負中國，論功進崇古少保兵部尚書，賜蟒玉，世襲錦衣千戶。編進大學士張居正吏部尚書少傅兼建極殿大學士。  
編辛未五年春三月，封俺荅為順義王。編夏四月，詔小吏得官本土。紀高拱言國家用人不得官於本土。

薛瑄從祀  
孔子廟庭

此惟有民社之責者然耳。若倉庫驛遞等官，官甚卑，家甚貧，一授遠上，或棄官而不能赴，或去任而不能歸，其情可憐。近日教官得選本省地方人，以為便乞照此例從之。編五月，少師李春芳致仕。秋八月，詔以故禮部左侍郎薛瑄從祀孔子廟庭。以高儀為禮部尚書掌詹事府。

編壬申六年春正月，進大學士張居正少師。以高儀為文淵閣大學士。以吏部左侍郎呂調陽為禮部尚書。編三月，皇太子出閣。蛤讀書。編夏五月，帝崩。

紀上不豫。已酉。大漸。見四卷十六名閣臣高拱張居正高

儀。至乾清宮受顧命。見三卷二五上倚坐御榻。皇后及皇

貴妃咸侍。東宮立於左。上困甚。太監馮保宣顧命曰。

朕嗣統方六年。今疾甚。殆不起。有負先帝付託。東宮

幼冲。以屬祝卿等。宜協輔。遵守祖制。則社稷功也。拱

等泣拜而出。翼日。上崩。編六月。太子翊鈞即位。年始十歲

馮保矯傳遺詔

紀時。太監馮保方居中用事。矯傳大行。見二卷三十一遺詔

云。閣臣與司禮監同受顧命。廷臣聞之。俱駭。一日內

使傳旨至閣。高拱曰。旨出何人。上冲年。皆若也。汝輩也

所為。吾且逐若曹矣。內臣還報。保失色。謀逐拱。拱與

張居正結馮保

張居正俱負氣不相下。居正乃結保自固。拱慮保專

張居正與馮保謀去高拱

恣。與居正高儀謀去之。居正陰洩之。保乃與保謀去

拱。編罷大學士高拱。紀是月。既望。庚午。昧爽。日微明也拱

在直。張居正引疾。名諸大臣於會極門。促居正至。拱

以為且逐馮保也。保傳皇后皇貴妃。帝生母李氏皇帝旨

曰。告爾內閣五府六部諸臣。大行皇帝賓天。先一日

名內閣三臣御榻前。同我母子三人。親受遺屬。祝今

大學士高拱攬權擅政。威福自專。通不許皇帝主管。

我母子日夕驚懼。便令回籍間住。不許停畱。拱即日  
 出朝門。乘一牛車去。而高儀未幾亦以病卒。居正哀  
 拊然首輔矣。**編**尊皇后曰仁聖皇太后。皇貴妃曰慈  
 聖皇太后。**編**秋八月。帝御經筵。**紀**張居正請開經筵。  
 復請更定常朝日期。御門聽政。俱從之。上遂御文華  
 殿。日講以為常。**編**冬十二月。張居正進帝鑑圖說。**紀**  
 上見居正捧冊進。喜動顏色。遽起立。命左右展閱。居  
 正從旁指陳大義。上應如響。因即宣付史館。賜居正  
 銀幣。一日上御文華殿講畢。覽至漢文帝勞去聲軍細

張居正進  
帝鑑圖說

**柳事**。漢文帝後六年遣將軍周亞夫等將兵備邊。亞夫次細柳。原文帝至。細柳營勞軍。歎曰：此真將  
 矣。居正因言陛下當畱意武備。祖宗以武功定天下。  
 承平日久。武備日弛。不可不及早講求也。上稱善。

神宗顯皇帝名翊鈞。穆宗太子。在位四十八年。壽五十八歲而崩。

**編**癸酉。神宗皇帝萬曆元年春正月。命成國公朱希

忠。大學士張居正。知經筵事。**編**張居正及馮保謀殺

前大學士高拱。未遂而罷。**紀**庚子。早朝。上出乾清宮。

見一無鬚男子。偽作宦者狀。袖有佩刀。趨走惶遽。左

右執之。馮保立鞫之。曰。南兵王大臣。奚自。曰。自總

張居正謀  
殺高拱

兵威繼光來。保使言報居正。而居正令附保耳曰。戚公方握南北軍。禁無妄指。可借以除高氏。先是大臣為戚帥。三屯營南兵不遂。流落都下。為人巧捷便佞。一中貴。曠之。至是令稱拱使。改籍武進縣。即令廟卒辛儒衣大臣蟒袴。予一劍。劍首飾猫精異寶。送繫廠中。入以聞。請究主使人。居正亦上疏如保意。上即付保鞫。保令辛儒屏語大臣曰。第言高相君怨望。使汝來刺。願先首免罪。即官汝錦衣。賞千金。不然重撈。那。掠死矣。儒日與大臣狎款。即令誣拱家人為同管也。

天日在上  
安得有此

謀。獄具。保飛發五校。械拱僕。而居正前疏傳中外。口語籍籍。謂且逮拱。居正乃密謀於吏部尚書楊博。博曰。迫之恐起大獄。抑上神聖英銳。持公平察。高公雖粗暴。天日在上。安得有此。居正面不懌。左都御史葛守禮語楊博。過張公必諍之。博曰。向已告矣。守禮曰。與望屬。祝公謂公能不殺人媚人耳。大獄將起。公奈何。以已告為解。即共詣居正。居正曰。東廠獄具矣。同謀人至。即疏處之耳。守禮曰。願以百口保高公。居正默不應。博曰。願相公持公議。居正憤然入內。取廠

願以百口  
保高公

回天非相公不能

楊博授策朱希孝

中揭帖投博曰是何與我揭帖有居正竄改四字曰歷歷有據而居正忘之守禮識居正字笑而納諸袖居正覺曰彼法理不諳我為易數字耳守禮曰機密重情不即上聞先政府邪吾兩人非謂相公甘心快謂我博曰此須得一有力世家與國休戚者乃可委治居正悟言於上命馮保與葛守禮都督朱希孝會審希孝詣楊博問計博曰公第使善詞見六卷校尉入獄訊刀劍口語所從來雜高家僕稠衆中令別識且

天意若此可不畏

問見高公何所今在何地則立辨矣希孝如博言使善詞校尉密詢大臣何自來則來自保所語盡出保口校尉即告大臣入宮謀逆者法族奈何甘此若吐實或免罪大臣哭曰始給臺上聲我主使者罪大辟自首無恙官且賞豈知當實言高家僕逮至希孝雜諸校中令揚色大臣不辨也及會審風霾見七大晦雨去聲電東廠理刑官白一清厲聲曰天意若此可不畏乎頃之天稍明出大臣會問故事先雜治大臣呼曰故許我富貴何雜治也馮保即問曰誰主使者大

臣曰爾使我乃問也保氣奪又問爾言高相公何也  
曰汝教我我則豈識高相公希孝復詰乞其蟒袴刀  
劍曰馮家僕辛儒所予保益懼遂罷審保密飲去大  
臣生漆酒瘖因也之而密以拱行刺事上聞有殷內  
監者年七十餘奏上曰高拱故忠臣何為有此隨顧  
保曰高翦子是正直人張居正故懷伎至刻必殺之  
我輩內官何須助彼保大沮而內監張宏亦力言不  
可於是上下刑部擬罪竟論大臣斬拱被居正齧擬  
齧痕入声齧也杜門屏丙居仕宦中州者不敢過新鄭

南開封府新鄭縣率枉道他去

張居正進講章

編甲戌二年春正月張居正進講章紀居正上講章  
疏略曰義理必時習而後能悅學問必溫故而後知  
新臣謹將今歲所進講章重復刪定大學一冊虞書  
一冊通鑑四冊進呈睿覽雖淺近之言然亦行遠登  
高之一助也編三月帝自駕迎仁聖皇太后過大內  
賞花紀上語輔臣曰昨日禁中花盛開侍母后賞宴  
甚歡蓋指慈聖也張居正奏曰仁聖太后處多時寂  
寞惟陛下念之上即起還宮白慈聖自駕往迎仁聖

迎仁聖賞花

張居正  
御屏

過大內賞花傳觴歡宴而罷編秋九月刑部請錄囚  
紀慈聖太后欲停之上問張居正對曰春生秋殺天  
道之常陛下即位以來停刑者再矣稂郎莠有苗草俱  
不除反害嘉禾凶惡不去反害良民上為請太后從  
之編冬十二月張居正率大臣上御屏紀屏繪天下  
疆域及職官姓名用浮帖以便更換上命設於文華  
殿後時加省覽

編乙亥三年秋八月以吏部左侍郎張四維為禮部  
尚書入東閣紀張居正請增閣臣許之即日進四維

劉臺劾張  
居正

為禮部尚書入東閣故事入閣者止曰同某人辦事  
至是上手注隨元輔入閣辦事四維恂恂若屬吏矣  
編丙子四年春正月下御史劉臺獄奪職為民紀臺  
劾大學士張居正專擅威福如逐大學士高拱私贈  
成國公朱希忠王爵引用張四維張瀚引為吏部尚書為黨  
斥逐言官余懋學傳應禎罔上行私橫黷無厭居正  
怒甚見上辭政曰臣之所處者危地也言者以為擅  
作威福而臣之所行正威福也將異順以悅下邪則  
負國竭公以事上邪無以逃專擅之譏伏地不肯起



進張居正  
左柱國

上下御座手掖持也之曰先生起朕當責臺以謝先生  
詔下臺獄杖一百遠戍愬之時議籍籍居正不自安  
復具疏為解免杖奪職為民然心終恨之後竟置之  
死編冬十月進張居正左柱國太傅加伯爵紀救曰  
先生親受先朝顧命輔朕冲年今四海昇平實賴匡  
弼精忠大勳言不能殫惟我祖宗列聖祐爾子孫與  
國咸休欽哉居正固辭伯爵許之  
編丁丑五年夏五月詔脩慈慶慈寧兩宮既而罷之  
紀張居正言兩宮於萬曆二年落成宮室既成祭之日落今壯

張居正諫  
停刑

麗如故是以妖魚聖母乃欲壞怪其已成更加藻飾  
非所急也請輟工從之編秋九月帝諭停刑紀慈聖  
太后以大婚期近也張居正上言春生秋殺天道所  
以運行雨露霜雪萬物因之發育明王奉若天道刑  
賞予奪皆奉天意以行事若棄有德而不用釋有罪  
而不誅則刑賞失中慘舒異用矣且臣近詳閱所開  
諸犯皆逆天悖理其所戕害含冤蓄憤聖主明王不  
為一泄彼以其怨恨冤苦之氣鬱而不散或上蒸為  
妖沴田上声。陰氛分侵氣也妖妖之變下或致凶荒

疫癘之疾則其為害又不止一人一家也請俟明年

吉典告成然後槩免一年從之編張居正以父喪欲

去位帝手詔慰留之編冬十月張居正復上疏乞終

制不允杖謫編脩吳中行簡討趙用賢刑部員外艾

穆主事沈思孝等紀居正既父喪奪情吉服視事中

行用賢穆思孝交章劾居正忘親貪位居正大怒大

宗伯馬自強曲為營解居正跪而以一手撚鬚曰

公饒我公饒我掌院學士王錫爵徑造喪次為之解

吳中行等  
劾張居正

公饒我公  
饒我

爾殺我爾  
殺我

許文穆鐫  
杯贈二賢

居正屈膝於地舉手索刀作刎頸狀曰爾殺我爾殺

我錫爵大驚趨出是月二十二日中行等四人同時

受杖中行用賢即日驅出國門人不敢候視許文穆

方以庶子充日講鐫玉杯一曰斑斑者何卜生淚

楚卞和得璞於楚山中獻之武王王使玉人相之

日石也王以為詐則其左足文王立和又奉璞獻王

人又曰石也則其右足成王立和抱璞而泣淚盡繼

之以血人問之曰予非悲夫別也寶玉而名之以石

貞士而名之以詐予是以悲王聞英英者何蘭生

使玉人破之果得寶因名和氏璧英英者何蘭生

璧秦昭王欲以十五城易趙和氏璧趙王遣蘭相如

璧大王必欲急臣頭今與璧追堆也之琢之求成聲上

器以贈中行鑄犀杯一曰文羊一角其理沉黝聲上

黝青黑色不惜剖心寧辭碎首黃流在中為君子壽叶上

以贈用賢穆思孝復加錄聊鎖且禁獄越三日始僉

解發戍為更慘毒時鄒元標觀政刑部憤甚視四人

杖畢而疏上越三日受杖謫戍貴州都勻衛編罷吏

部尚書張瀚紀先是瀚為南京工部尚書廷推吏部

瀚名第三以張居正言上越次用之居正以為德希

瀚報奪情議起遂邀中旨屬祝瀚留居正居正亦自

鄒元標橫視杖四賢

張瀚拊膺太息

為牘風之使留已瀚若不喻其意者謂政府奔喪當

以殊典卹之宗伯事也何關吏部居正大不悅於是

有詔切責瀚謂瀚奉諭不復無人臣禮瀚拊膺太息

曰三綱淪矣居正益怒藪臺省劾之勒令致仕編

起復大學士張居正入直內閣蛤紀初居正在喪次

凡閣中事令吏齎奏就擬處分手詔稱元輔稱太師

稱先生皆盡古師臣之禮至是上召居正於平臺慰

諭甚至即日入直

尺木堂明鑑易知錄卷之九

尺木堂明鑑易知錄卷之十

周之炯靜專

上虞朱國標聖懷鈔

山陰吳乘權楚材同輯

周之燦星若

明紀

神宗顯皇帝

**編**戊寅六年春正月帝冠貴**編**三月立妃王氏為皇

后紀大婚禮成上兩宮徽號仁聖皇太后加懿安**編**

張居正乞歸治葬許之紀居正辭朝上勞諭之曰朕

賜張居正  
銀印

不能捨先生。恐重傷先生懷。是以忍而允所請。然先生雖行國事。尚宜畱心。乃賜銀印。曰帝賚忠良。命得密封言事。編以禮部尚書馬自強為文淵閣大學士。掌詹事府。禮部左侍郎申時行為東閣大學士。編夏六月。張居正還朝。紀上名見於文華西室。問沿途所見稼穡何如。民生何如。邊事何如。居正對甚悉。上大悅。賜休沐十日。編秋八月。前少師高拱卒。復其官。予祭葬。

編已卯七年春二月。帝患疹。紀慈聖太后命僧於戒

張居正  
開戒壇

河工成

潘季馴治  
河

壇設法度衆。張居正上言。戒壇奉皇祖之命。禁止至今。以當時僧衆數萬。恐生變敗俗也。今豈宜又開此端。聖躬違豫。惟告謝郊廟社稷。斯名正言順。神人胥悅。何必開戒壇而後為福哉。事遂寢。編二月。河工成。紀先是淮安有水患。河決入淮。水勢不敵。淮揚咸為巨浸。直逼泗州。見一患近陵寢。上以問張居正。因土言故河道都御史潘季馴。旬可使。乃降爾書。即其家拜都御史。使持節治河。一切砌假。以便宜。久任。帑藏不問出入。諸奉行不及事者。下詔獄鞫治之。於是當

張居正諫鑄大錢

李成梁忠勇為一時冠

事者日夜焦勞。蓋踰年而隄低成。轉漕無患。編三月。帝疹愈。編夏四月。命鑄大錢進內庫。既而罷之。紀上以內庫缺錢。賞賚不足。命部鑄大錢以進。張居正上言。先朝鑄錢呈式。非供上用也。萬曆二年。進錢一千萬。其後歲半之。已非本意。若缺錢鑄進。是以外府之儲。取供內府。大失舊制矣。上從之。乃罷鑄錢。編五月。封遼東總兵李成梁為寧遠伯。紀張居正言。成梁屢立戰功。忠勇為一時冠。加以顯秩。此鼓勵將士之法也。已而成梁使使餽以金。居正曰。而主以百戰得

罷浙直織造內臣

功勳。我受其金。是得罪高皇帝也。却不受。編秋七月。給事中顧九思等請罷浙直織造內臣。從之。紀九思王道成等。以江南水災。請罷織造內臣。孫隆上語。張居正曰。彼織幣且完。當俟來春罷之。居正曰。地方多一事。則有一事之擾。寬一分。則受一分之惠。災地疲民。不堪催督。暫去之。俟稍稔。可復也。上從之。編冬十月。薊計遼總督梁夢龍等擊土蠻。走之。紀夢龍報土蠻大舉入寇。張居正奏言。臣諭邊臣。如敵騎入。勿輕戰。堅壁清野。野無所掠。彼將自阻。請令夢龍駐永平。

戚繼光駐一片石。伺閒邀擊。上善之。既而土蠻以四萬騎犯前屯。梁夢龍、李成梁率兵擊却之。

**編**庚辰八年夏五月。纂脩大明會典。**編**冬十二月。張

脩實訓實錄進呈

居正請脩累朝實訓實錄進呈。**紀**居正請屬祝儒臣以累朝實訓實錄分四十餘則。曰創業艱難。曰勵精圖治。曰勤學。曰敬天。曰法祖。曰保民。曰謹祭祀。曰崇孝敬。曰端好尚。曰慎起居。曰戒遊佚。曰正宮闈。曰教儲貳。曰睦宗藩。曰親賢臣。曰去奸邪。曰納諫。曰守法。曰敬戒。曰務實。曰正紀綱。曰審官。曰久任。曰重守令。

筆札小技

曰馭近習。曰待外戚。曰重農。曰興教化。曰明賞罰。曰信詔令。曰謹名分。曰却貢獻。曰慎賞賚。曰甘節儉。曰慎刑獄。曰褒功德。曰屏丙異端。曰飭武備。曰禦寇盜。仍敕次第進呈。俟明年開講。其諸司章奏切要者。即講畢面裁。時上畱意翰墨。居正以為筆札小技。非君德治道所係。故有是請。上嘉納之。

**編**辛巳九年夏四月。張居正以給事中傅作舟疏進覽。**紀**居正以作舟疏進覽云。今江北淮鳳及江南蘇松連被災傷。民多乏食。至以樹皮充飢。或相聚為盜。

淮鳳多荒  
少熟

緇黃不如  
赤子

大有可憂。上曰：淮鳳頻年告災，何也？居正對曰：此地從來多荒少熟，元末之亂，皆起於此。今當破格賑之。上曰：然。居正又言：江南北旱，河南風災，畿內不雨，勢將蠲賑。惟陛下量入為出，加意撙節，如宮費及服御，可減者減之，賞賚可裁者裁之。至若施舍緇黃，不如予吾赤子也。上然之。編冬十一月，加張居正上柱國太師，支伯爵俸。居正固辭，許之。以宣大巡撫右副都御史吳兌為都御史，總督薊遼。編壬午十年春三月，加薊遼總督都御史吳兌兵部

尚書。編張居正有疾，求私宅票標擬從之。編夏六月

張居正以疾再乞休，不允。紀上以細務委張四維，大

事。即居正家平章。編進張居正太師。以遼左大捷，斬速把孩功也。

編命禮部尚書潘成、吏部左侍郎余有丁入閣。哈辦

事。張居正薦之也。編大學士張居正卒。紀上震悼，輟朝，遣司

禮太監張誠監護喪事，賜賻附。賻以貨財助喪事也。甚厚。兩宮

太后及中宮俱賜金幣，賜祭十六壇，贈上柱國，謚文

忠。居正性深沉，機警多智數，及攬大政，登首輔，慨然

有任天下之志，勸上力行祖宗法度，上亦悉心聽納。



張居正以私憾廢遼王

勃字誤讀背字

十年來海內肅清。治績炳然。惜其福衷多忌。剛復。關自用。初入政府。即以私憾廢遼王。隆慶二年十二月。事也。居正故隸遼王尺籍。至王憲。頗驕。多所陵轢。居正銜之。而又羨其府第壯麗。會有告王謀反。刑部訊治。侍郎洪朝選案驗無謀。反狀僅坐以淫。醜憲燻鋼高。墻廢其府。居正攘以為第。後復患朝選不附。反律謀殺朝選。久直信任。奸佞好諛成風。至章疏不敢斥名。第稱元輔。居正卒。餘威尚在。言官奏事。尚稱先太師。方奪情時。威權震主。上雖虛已以聽。而內顧不堪。初上在講筵。讀論語。色勃如也。誤讀作背字。居正忽從旁厲聲曰。當作勃字。上悚然而驚。同列皆失色。上由此憚之。

人比之霍氏之驂乘

及居正卒後。蒙禍人比之霍氏之驂乘。乘車之法。尊者居左。御者居右。又一人處其右。以備傾側。謂之驂乘。漢宣帝初立。謁見太廟。大將軍霍光驂乘。帝嚴憚之。若有芒刺在背。後張安世代光驂乘。帝從容肆體。甚安近焉。故俗傳霍氏族滅之禍。始於驂乘。編發馬保南京間住。編復吳中行。趙用賢。艾穆。沈思孝。鄒元標等官。紀時潞王婚禮所需珠寶未備。太后以為言。上曰。辦此不難。年來廷臣無恥。盡獻張馬二家耳。自此內中張先生稱謂絕以為諱。而籍沒之舉亦胎於此。編冬十一月。以吳兌為兵部尚書。加太子少保。編癸未十一年春三月。太子少保兵部尚書吳兌致

買金珠

奪張居正封誥贈諡籍其家

仕。戶部請停買金珠不報。

**編**甲申十二年春正月詔奪張居正封誥贈諡籍其

家其弟居易子嗣脩等俱遠地充軍。**紀**御史羊可弘

追論居正罪惡詔奪其官爵贈諡復從遼府次妃王

氏奏請籍沒其家產其產不及嚴嵩二十分之一株

連頗多。荆州居正家湖廣荆州府江陵縣騷動上曰張居正誣讒

滅親藩箝制言官蔽塞朕聰專權亂政罔上負恩謀

國不忠本當斲棺戮尸念効勞有年姑免盡法伊屬

張居易張嗣脩張順張書俱令烟瘴地面充軍有司

勘居正家屬其長子欲脩不勝刑刑自縊死刑部尚

書潘季馴上言居正家產奉旨鈔沒國法已正衆憤

已平但其八旬老母衣食不周子孫死亡相繼殊失

罪人不孥之意上乃詔有司保全之。**編**冬十二月以

禮部尚書王錫爵為文淵閣大學士吏部左侍郎王

家屏為東閣大學士。四川巡撫維遵奏採木之害

**編**乙酉十三年春正月起前應天巡撫致仕海瑞為

南京吏部右侍郎。**編**夏五月大旱。**紀**詔免災傷地方

本年錢糧。**編**六月慈寧宮成。**紀**宮建於萬曆二年極

採木之害

壯麗。以居慈聖皇太后。尋欲改造。因張居正疏諫而止。居正沒。乃興工。費財力巨萬。

敗姜應麟等為典史

編丙戌十四年春正月。皇第三子生。進其母鄭氏為貴妃。編貶戶科給事中姜應麟等為典史。紀應麟吏部員外郎沈璟。上言。貴妃雖賢。所生為次子。而恭妃誕育元子。主鬯承祧。反令居下。乞收回成命。首進恭妃。次及貴妃。上怒。謫應麟廣昌典史。璟調外任。上謂閣臣曰。朕非為冊封事責言官。惡彼疑朕立幼廢長。故先揣摩上意。置朕於不善之地。我朝建儲自有成

憲。朕豈敢以私意壞怪祖宗之法。刑部主事孫如法

上言。恭妃誕育元嗣五年。未聞有進封之典。鄭氏一生子。即有皇貴妃之封。此天下不能無疑也。上怒。謫

如法朝陽典史。禮部左侍郎沈鯉請並封恭妃王氏。上諭待元子冊立行。編二月。大學士申時行等上疏

申時行請立東宮疏

請立東宮。不聽。紀時行等疏言。國本繫於元良。主器莫若長子。漢臣有云。早建太子。所以尊宗廟。重社稷也。自萬曆十年。元子誕生。詔告天下。於茲五年。正名定分。宜在今日。本朝故事。宣宗以宣德三年立英宗

明錄易知錄 卷之十一  
為皇太子時年二歲。憲宗以成化十一年立孝宗為皇太子。時年六歲。孝宗以弘治五年立武宗為皇太子。尚未周一歲也。成憲具存。昭然可考。今元子睿齡漸長。陽德方亨。乞敕下禮部。速具儀注。擇吉冊立。以慰臣民之望。上諭少俟。二三年舉行。編三月。以海瑞為南京都察院右都御史。編秋七月。南京太常寺卿沈子木上疏請立建文帝祠祀。不報。紀子木疏言。建文皇帝御宇四年。死葬西山。不得一孟于。椀也。麥飯。下同庶民。近奉明詔。祀死事諸臣。而建文獨不祀。於德

沈子木請  
建文祠祀

意未稱。宜敕禮官議立祠祀。不報。編丁亥十五年秋八月。南京都察院右都御史海瑞卒。紀卒年七十三。贈吏部尚書。諡忠介。加祭二壇。遣行人許子偉護喪至瓊州。海瑞廣東瓊州府瓊山縣人。葬於濱涯山。瑞卒時。僉都御史王用汲入視。葛幃蔽衣。有寒士所不堪者。歎息泣下。啓其篋。僅十餘金。士大夫為具斂。百姓哭之。罷市者數日。喪出江上。白衣冠送者。兩岸無隙地。簞食壺漿之祭。數百里不絕。編戊子十六年春正月。命停講貞觀政要。貞觀唐太宗年號

停講貞觀  
政要

明神宗

卷之十一

明神宗

九

孫一謙  
四

紀上覽貞觀政要謂輔臣曰唐太宗多有慙德魏徵  
大節有虧宜停講自後講禮記編三月國子監司業  
王祖嫡請復建文年號從之  
編已丑十七年春三月靈山吏目孫一謙卒紀南京  
司獄孫一謙麻城今湖廣黃州府麻城縣人舊例重囚米日一  
升率為獄卒盜去又散時強弱不均多有不得食者  
又囚初入獄不得錢則驅之溼穢地一謙一切切嚴  
禁手一秤稱去聲秤米計飯按籍以次分給甚均囚衣  
敝為澣緩濯補葺終其官囚無凍餓陵虐死者兵部

史錦請開  
礦

侍郎王用汲聞之歎異欲為之地而一謙已滿考轉  
靈山今廣東廉州府靈山縣吏目去矣一謙不之官徑歸未幾  
卒房山人史錦請開礦國上聲。金銀。命下撫按。  
編庚寅十八年春正月朔帝御毓德宮召閣蛤臣申  
時行等入見紀大學士申時行許國王錫爵王家屏  
至西室御榻東向時行等西向跪賀朔畢進曰臣等  
久不瞻仰天顏諸事未能面陳今幸蒙召見敢不傾  
吐近來聖體常欲攝靜但一月間或三四次臨朝亦  
足慰羣情之望上曰朕疾雖愈行立不便時行請冊

申時行注  
視良久

立東宮。上曰：朕無嫡子，長幼自有定序。鄭妃亦再三陳請，恐外廷有疑，但長子孱弱，俟其強健耳。時行等言：皇長子年已九齡，宜出閣讀書，及時訓教，乃能成德。上曰：朕知之。命司禮監召皇長子，皇第三子至上，手引皇長子，向明端立。時行等注視良久，因言：有此美玉，何不早加琢磨，使之成器。上復曰：朕知之。時行等乃出。編冬十月，兩京九卿科道交章請立東宮，詔切責之。紀羣臣合辭請立太子，鄭貴妃弟國泰特疏懇請。上諭曰：皇子體弱，稍俟年月，長幼之序，豈有

于謙愍改  
謚忠肅

搖動。鄭妃嘗請定名分，以免疑議。朕前已面諭卿等知之。今又來陳奏，朕不喜激聒。括且看十四年至今，未有一日之不激聒者。此輩心懷無父，志欲求榮，顧於此時激朕加疾，離間父子，以成已賣直圖報之逆志耳。子乃朕子，豈肯越序更置為臣者以言激之。其求榮乎？欲朕之疾劇乎？我朝戚臣不敢干預國事，鄭國泰出位妄奏，姑免罪。編十一月，改謚故少保于謙曰忠肅。

編辛卯十九年春正月，閣臣進累朝寶訓實錄紀加

申時行具揭避罪

恩申時行太師許國少師王錫爵少傅王家屏太子少保編冬十月大學士許國等合疏請建東宮杖中書黃正賓削給事中羅大紘宏籍紀先是建儲事既奉上旨申時行與同官約遵守稍需一歲每諸司接見亦以此告之故是年自春及秋曾無言及者至是工部主事張有德請備東宮儀仗時行方在告也休假許國乃曰小臣尚以建儲請吾輩不一言可乎舍卒猝具疏首列時行名以上時行聞之大愕別具揭云臣已在告同官疏列臣名臣不知也故事閣臣密揭

李獻可削籍為民

皆畱中而是揭與諸疏同發禮科羅大紘遂上疏論時行迎合上意以固位武英中書黃正賓繼之上怒杖正賓削大紘籍編十二月以禮部尚書趙志臯吏部左侍郎張位並為東閣大學士

編壬辰二十年春正月禮科都給事李獻可疏請皇長子出閣蛤讀書削籍為民紀獻可既削籍大學士王家屏具揭申救封還御批上怒家屏乞歸許之吏部主事顧憲成章嘉禎等言家屏忠愛不宜廢置請召還上怒憲成削籍嘉禎謫羅定州屬廣州判

王錫爵密  
疏請建東  
宮

明錄身知錄 卷之十一  
編癸巳二十一年春正月大學士王錫爵密疏請建  
東宮不允紀錫爵上言前者冊典垂行而輒為小臣  
激聒所阻陛下親發大信定以二十一年舉行於是  
羣囂寂然蓋皆知成命在上有所恃而無虞也倘春  
令過期外廷之臣必曰昔以激聒而改遲今復何名  
而又緩伏乞降諭舉行使盛美皆歸之獨斷而天功  
無與於人謀上報云朕雖有今春冊立之旨昨讀皇  
明祖訓立嫡不立庶皇后年尚少倘復有出是二儲  
也今將三皇子並封王數年後皇后無出再行冊立

錫爵復疏曰昔漢明帝取宮人賈氏子命馬皇后養  
之帝章唐玄宗取楊良媛子命王皇后養之肅宗宋真宗  
劉皇后取李宸妃之子為子仁宗與其曠日持久待將  
來未定之天孰若酌古準今成日下兩全之美臣謹  
遵諭並擬傳帖二道以思採擇然尚望陛下三思臣  
言俯從後議以全恩義服人心上竟用前諭編冬十  
一月詔皇長子皇三子同行出閣蛤禮紀上御煖閣  
名輔臣王錫爵錫爵叩頭力請建儲上允明年出閣  
聽講尋又傳諭皇長子皇三子齡歲相等欲一併行



出閣禮。錫爵復奏。陛下有子而均愛之。固慈父一體之念。然自外廷而觀。皇長子明年十三歲。皇三子明年九歲。大抵皇子生十歲而入學。以皇長子之太遲。形皇三子之太早。先後緩急之間。一不慎而聖心又晦矣。

**編**甲午二十二年春二月。皇長子出閣講學。**紀**禮部侍郎馮琦進儀注。上以未冊立。免侍衛儀仗。**編**夏五月。吏部尚書陳有年罷。以孫丕揚為吏部尚書。大學士王錫爵致仕。以沈一貫陳于陛並為禮部尚

書兼東閣大學士。直文淵閣。**編**謫文選司郎中顧憲成復削籍。**紀**先是憲成以請名還王家屏削籍。尋起為吏部文選郎。至是復以言事被謫。給事中盧明陔**六**中立先後疏救。上益怒。憲成削籍。謫明陔中立。按察司知事禮部郎中何喬遠奏救。憲成謫廣西布政司經歷。初申時行性寬平。所斥必旋加拔擢。沈一貫既入相。以才自許。不為人下。憲成既謫。歸講學於東林。故楊時宋徽宗朝大儒福建延平府將樂縣人書院也。孫丕揚鄒元標趙南星亦文選郎之流。蹇諤自負。與政府每相持。附

東林浙黨  
所自始

一貫者科道亦有人。而憲成講學。天下趨之。一貫持  
權求勝。受黜者身去而名益高。此東林浙黨所自始  
也。其後更相傾軋。軋。晏入也。勢相傾也。垂五十年。  
編乙未二十三年秋七月。巡按直隸御史趙文炳劾  
吏部文選郎中蔣時馨罪。時馨削籍。紀文炳劾時馨  
倖進。驚爵。下廷議。孫丕揚代時馨辨。時馨削籍。時馨  
貪黷。初知新喻。今江西臨江府新喻縣。調嘉魚。今湖廣武昌府嘉魚縣。遷  
南京大理寺評事。故為敝衣冠。從鄒元標講學。歷考  
功文選二司。及被劾。請廷質。且曰。戎政兵部左侍郎

孫沈交惡

沈思孝。庇浙江海道丁此呂。避察不得。又求少宰不  
得。遂同諭德劉應秋。大理右少卿江東之等。詆光祿  
寺卿李三才。授趙文炳。冀陷太宰而代之上。怒其瀆  
辨。逮故浙江海道丁此呂。蔣時馨既斥。丕揚謂釁由  
此呂。思孝以此呂建言不宜察。丕揚遂上此呂訪單。  
貪婪。盧含反。○賊跡。雖建言無倖脫理。命逮下獄。丕  
揚遂與思孝交惡矣。  
編丙申二十四年秋八月。大學士張位乞罷。不許。紀  
時孫丕揚乞休。疏二十上。言權官坐謀。鷹犬效力。義

程楊諫開礦

難再畱。以位黨丁此呂沈思孝也。上責丕揚無大臣體宜協恭。毋相抵牾。抵牾。誤。  
右都御史兼兵部侍郎沈思孝罷。編閏月。吏部尚書孫丕揚。戶仲春請開礦助大工。從之。紀命戶部錦衣衛各一。同仲春開採。給事中程紹工楊應文言。嘉靖三十五年七月命採礦。自十月至三十六年。委官四十餘。防兵千一百八十八人。約費三萬餘金。得礦銀二萬八千五百。得不償失。不聽。編命戶部郎中戴紹科錦衣僉書楊宗吾開礦汝南。編九月。詹事府錄事曾長慶錦

張位主開礦之謀

衣衛百戶吳應騏請山西夏邑開礦。府軍後衛指揮王中允請青沂等開礦。從之。編富民為礦頭。從。太監。王虎請也。  
編冬十二月。遣大監張忠往山西。曹金往兩浙。趙欽往陝西。各開礦。紀先是奸人王君錫奏開易州礦。下戶部議。尚書林材上言。山冶之害。小則爭掠。大則嘯聚盜之。因。訛。鳥媒也。寇之藪也。遂逐君錫。及張位秉政。以為利出於天地之自然。可益國無病民。採之便。上遂從其言。礦使之害。幾徧天下。  
編丁酉二十五年春正月。御史況上進。給事中楊應

給店租關防  
呂坤乞收人心疏

文。上言建昌採木之害。不報。紀上進應文。上言建昌採木。人夫渡瀘。盧觸瘴死者被野。吏胥假公行私。毒流百姓。不報。編二月。給督徵天津等處店租。內官關防。編夏四月。刑部侍郎呂坤上疏。請收人心。不報。紀坤言。洮西臨洮府。今陝蘭今臨洮府。之絨。山西之紬。浙直之段。絹積於無用。若服有定制。歲用千匹。而江南山陝之人。心收。採木之害。飢渴瘴疫死者無論。一木初付。千夫難移。遭險蹉跌。死常百人。倘減其尺寸。少其數目。而川貴湖廣之人。心收。礦稅無利。勒民間納銀。民

馮保八店

不能支。括庫銀代。豈開礦之初意哉。誠救各省使臣嚴禁散砂。不許借解。而各省之人心收。自趙承勛進獲利之說。而皇店開。承勛言歲可獲四千金。朝廷有內官之遣。而事權重。且馮保八店。為屋幾何。而歲四千金。不奪市民。將安取乎。誠撤各店之內官。而畿內之人心收。不報。

編戊戌二十六年夏五月。吏科給事戴士衡。全椒今南滁州。知縣樊玉衡。削籍謫戍。紀先是呂坤為山西按察。輯閩範圍誌。鄭國泰重刻之。增刊后妃。首漢明

虎狼出柙  
半天下

德皇后明帝馬后終鄭貴妃戴士衡指其書上言謂呂坤  
逢迎掖庭語侵貴妃樊玉衡前疏皇長子冊立中亦  
有皇上不慈皇長子不孝皇貴妃不智等語貴妃聞  
之泣訴於上二臣謫戍編六月命內監李敬採珠廣  
東編秋七月戶科給事包見捷上疏諫開礦不報紀  
見捷上言開礦之害陛下謂徒取諸山澤在礦使實  
奪取之閭閻搥擊入山者十二載虎狼出柙者半天  
下科臣趙完璧郝敬道臣許聞造姚思仁交章言之  
不報編奪保定巡撫李盛春等俸紀以天津店稅銀

孫大理石

解進遲延故罰編冬十月下雲南大理府名採石

編已亥二十七年春正月分遣御馬監高案權水

上橫木所以渡人者凡上獨取利下無京口今江南京口鎮江府

所得率名權有知道路設木為權也供用庫官暨姓吉祿權儀真今江蘇揚州府儀真縣編二月百

戶張宗仁請復浙江市船白海中大船命太監劉成權稅

浙江編千戶陳保請權珠命內監李鳳採珠廣州兼

徵市船司稅課設福建市船司編夏五月以光祿

寺卿李三才為都察院右僉都御史巡撫鳳陽編請

戶科給事包見捷為貴州布政司都事紀見捷疏論

包見捷  
月三疏

礦店滋蔓。萬又疏論臨清今山東東昌府臨清州稅使擾民必致生變。又疏遼左店危。礦市為患尤烈。一月三疏。指數上內使切直。時論委是也。之。謫貴州布政司都事。未幾。臨清百姓變。毆稅使馬堂。幾死。見捷言若左。券編秋八月。逮荊州府推官華鉅。玉貶荊州知府李商耕。荊門知州高則異等。紀以稅監陳奉誣劾也。初奉由武昌今湖廣武昌府抵荊州今湖廣荊州府。商民鼓譟者數千人。飛輒擊石。勢莫可禦。道府諸臣身犯其衝。殫力防護。獨華鉅以公事至夷陵今荊州府夷陵州。奉疑之。又惡其

禁革差官冠帶阻截司役書算。故受誣尤烈。又稅課

襄陽今湖廣襄陽府商人聚徒鼓譟。李商耕治其叅隨。開鎮

荊門今湖廣安陸府荊門州。增設稅課。而荊門故非巨鎮。往來

商船頗少。誣知州高則異阻撓。俱降調。編九月。戶部

進大珠龍涎香。

編庚子二十八年春正月。大學士沈一貫請皇長子

冠婚。不報。編二月。命太監暨祿兼徵鳳陽安慶徽盧

常鎮稅。內監魯坤開彰德衛輝懷慶開封等礦洞。

編鳳陽巡撫李三才上疏請停礦稅。不報。紀三才疏

李三才請  
停礦稅疏

言。自礦稅繁興。萬民失業。陛下為斯民主。不惟不衣。  
去聲。之。且併其衣。字如而奪之。不惟不食。寺之。且併其食。  
字如。而奪之。征權之使。急於星火。搜括之令。密如牛毛。  
今日某礦得銀若干。明日又加銀若干。今日某處稅  
若干。明日又加稅若干。今日某官阻撓礦稅。擊解。明  
日某官怠玩礦稅。罷職。上下相爭。惟利是聞。如臣境  
內。抽稅徐州。則陳增。儀真。則暨祿。理鹽揚州。則魯保。  
蘆政。沿江則邢隆。千里之區。中使四布。加以無賴亡  
命。附翼虎狼。如中書程守訓。尤為無忌。假旨詐財。動

以萬數。昨運同陶允明自楚來云。彼中內使沿途掘  
墳。得財方止。聖心安乎。不安乎。且一人之心。千萬人  
之心也。陛下愛珠玉。人亦愛溫飽。陛下愛萬世。人亦  
戀妻孥。奈何陛下欲黃金高於北斗。而不使百姓有  
糠粃升斗之儲。陛下欲為子孫千萬年。而不使百姓  
有一朝一夕。試觀往籍。朝廷有如此政令。天下有如  
此景象。而不亂者哉。不報。編秋七月。巡按御史王立  
賢奏。稅監陳奉貪暴。激變不報。紀時。陳奉道承天。見  
卷十。之金花灘。勒居民黃金。拷及婦人。并拘鍾祥。安

陸府鍾知縣鄒堯弼遠近大震編八月命內監丘乘

雲往徵四川成都龍安鹽茶重慶馬湖名木編冬十

月諭內閣來春冊儲下工科都給事王德完錦衣獄

紀德完上言臣入京數月道路相傳中宮役使止數

人憂鬱致疾阽危不保臣竊謂不然第臣得風聞言

事若如所傳則宗社隱憂臣羨袁盎却坐之事漢文

幸慎夫人在禁中常與皇后同席坐及幸上林布席

中郎將袁盎引却慎夫人坐夫入怒文帝亦怒盎前

美袁盎却坐之事

止輦受其言臣死且不朽上怒下錦衣衛獄訊其由吏部

尚書李戴御史周盤等論救俱切責之

編辛丑二十九年春三月武昌民變逐陳奉謫知府

王禹聲知縣鄒堯弼為民紀武昌民逐奉奉列兵殺

二人匿楚府中命甲騎三百餘射石死數人傷二十

餘人奉踰月不敢出眾執奉左右六人投之江奉自

焚公署門事聞謫禹聲堯弼為民沈一貫論奉激變

不報編夏四月督理直隸儀真等稅御馬監暨祿疏

請寬卹紀祿言臣徵廬鳳徽安遺稅并沿江船稅各



暨祿請寬  
卹凡五上

撫按皆云。重疊不敷。題請寬處。臣未敢憑。二項共二  
十萬金。今徵不滿萬。始信撫按為可據。而原奏人無  
憑也。乞軫念民瘼。以實徵解上。毋拘原奏人揣摩之  
數。上從之。時權使苛暴。獨暨祿請寬卹。凡五上。編六  
月。殺蘇州亂民葛成。紀太監孫隆採稅浙直。駐蘇州。  
激變市人。殺其叅隨黃建節等數人。撫按詰亂民  
有葛成獨引服。不及其餘。下獄論死。編秋七月。大學  
士趙志臯卒。九月。以禮部尚書兼翰林院學士沈  
鯉。朱賡兼東閣大學士。直文淵閣。編冬十月。立皇長

子常洛為皇太子。紀先是沈一貫上言。陛下大婚及  
時。故得聖子早。今皇長子大禮。必備其儀。推念真情。  
不如早諸伉儷。陛下孝奉聖母。朝夕起居。不如早遂  
含飴。移弄曾孫之為樂。漢馬太后謂章帝云。吾  
但當含飴弄孫。飴餽也。乞令  
先皇長子大禮。明春後遞舉諸皇子禮。子復生子。孫  
復生孫。坐見本支之盛。享令名。集完福矣。上心動。諭  
即日行之。至是上以典禮未備。欲改期册立。一貫封  
還聖諭。力言不可。上從之。乃立皇長子為皇太子。暨  
封福王瑞王惠王桂王。詔告天下。編皇太子冠。貫福

瑞諸王俱冠

編壬寅三十年春正月增東宮官屬編二月明皇太子妃郭氏紀上偶不豫免賀急召沈一貫入諭以勉輔太子并及罷礦稅起廢釋禁諸事翌日上安諸事遂寢停稅諭已出上悔急令追之太監田義諫曰諭已頒行不可反汗易渙卦五爻渙汗其大號謂渙上散其號令如汗之出而不反也怒幾欲手刃義義不為去聲動一貫恐亟繳前諭義唾之始吏部尚書李戴左都御史溫純約即日奉行且頒天下刑部謂弛獄須再請亡何而旨格闕矣編夏

田義諫悔諭

馮琦言礦稅之害

五月禮部侍郎馮琦上言礦稅之害不報江今西饒州府景德鎮民變稅監潘相舍人激之也相誣劾通判陳奇逮下獄雲南稅監楊榮肆虐激變滇國即雲南人不勝升憤火廠房殺委官張安民馮琦疏言礦稅之害滇以張安民故火廠房矣粵以李鳳釀釀去聲禍欲割恣也刃其腹矣陝以委官迫死縣令民洶洶不安矣兩淮以激變地方劫燬官舍錢糧矣遼左以余東翁註故碎屍抄家矣土崩瓦解亂在旦夕皇上能無動心乎不報○應天大風拔富家樹成穴魯保

徐申力白富家冤

誣以盜礦。府尹徐申力白富家冤。而盛言帝京王氣不可鑿保。不能奪。編秋九月。詔授揚州富民吳時脩子弟各中書舍人。紀以時脩獻銀十四萬兩也。

楚藩相訐

編癸卯三十一年夏四月。楚王華奎與宗人華越等相訐。章下禮部。紀初楚恭王隆慶初廢疾。薨遺腹宮人胡氏雙生子華奎華璧。或云內官郭綸以王妃族人如絳拂奴產子壽兒。及弟如言。妾尤金梅所出。並入宮。長為華奎。次華璧。儀賓汪若泉嘗訐奏事。下撫按。王妃堅持之。乃寢華奎。既嗣楚。華璧封宣化王。

華越素強禦忤王。越妻又如言女。知其詳。越遂盟宗人二十九人入奏。楚先王風痹。秘。陰。痿之疾。不能御內。乃

令宮婢胡氏詐為身臨蓐。肉。臨。寢。蓐。也。蓐。薦。席。時抱妃兄王

如言子為華奎。又抱妃族王如絳舍人王玉子為華璧。皆出於妻王氏口。王氏如言女。故知之。二孽皆不

宜。冒爵章入。通政司沈子木持未上。楚王劾宗人疏亦至。事下禮部。右侍郎郭正域曰。王奏華越事。易竟

華越奏王非恭王子。亂皇家世系。事難竟。楚王襲封二十年。何至今始發。而又發於女子骨肉之間。王論

華越一人而二十九人同攻王果有真見出真情否

王假則華越當別論王真則華越罪不勝升誅沈一

貫以親王不當勘但當體訪正域曰正域江夏今湖廣武

府人昌一有偏徇禍且不測非勘則楚王跡不白各宗

罪不定時正域右宗人而輔臣沈鯉又右正域戶部

尚書趙世卿倉場尚書謝杰傑祭酒黃汝良皆謂王

非假一時閣部互相齟阻齟語齒語不相給事中姚

文蔚畏劾郭正域故王護衛中人脩怨謀陷王都察

院左都御史溫純劾御史于永清姚文蔚刺及沈一

貫刑科都給事中楊應文給事中錢夢臯各劾郭正

域夢臯并及沈鯉上卒以王為真而正域罷去尋楚

府東安王英燧武岡王華增江夏王華燿誼等請復

勘假王不聽時票標楚事皆朱賡二沈引嫌不出編

冬十一月妖書事起命錦衣嚴鞠菊之噉生光自誣

服事得解紀時有飛語無姓名造語曰續憂危宏茲

議宋寧宗立沂王嗣子貴和為皇子更名茲寧宗崩

史彌遠矯詔立沂王子貴誠更名的為理宗廢

皇子茲為濟王理宗立彌遠矯詔殺茲萬曆二十六

年有援引歷代嫡庶廢立之事著為一書名曰憂危

茲議蓋為皇長子憂危也茲名續凡三百餘言謂東

憂危茲議者亦復憂危太子云

妖書事起  
續憂危茲  
議

宮不得已立之。而從官不備。寓後日改易之意。其特用朱賡。賡者更耕也。內外官附賡者。文則戎政尚書王世揚。巡撫孫瑋。總督李汶。御史張養志。武則錦衣都督王之禎。都督僉事陳汝忠。錦衣千戶王名世。王承恩。錦衣指揮僉事鄭國賢。又有陳矩。朝夕帝前。以爲之主。沈一貫。右鄭左王。規福避禍。他日必有靖難勤王之事。建文時燕王舉兵。吏科都給事中項應祥。向闕號靖難兵。撰四川道監察御史喬應甲。刊其書一夕間。自宮門迄於衢巷皆遍。厥明舉朝失色。莫敢言。朱賡得於私

清流領袖

宅以聞。上大怒。令廠衛搜緝。務得造書主名。責項應祥。喬應甲回奏。沈一貫請嚴跡之。或曰。妖書似出清流之口。將以傾沈一貫者。或曰。此奸人作之。以陷郭正域。正域時有清流領袖之目。見忌一貫。已喬應甲項應祥各回奏。奸書謗人。無自名理。不問。上名皇太子慰安之。太子泣。上亦泣。隨令內豎汝以慰安太子。語諭內閣。時一貫方以楚宗事恨郭正域。正域沈鯉門生也。鯉聞告密語。入曰。此事何必張皇也。一貫大不懌。正域放歸。待凍潞河之楊村。聞問不絕。一貫益

此事何必張皇

先生輩容  
我乞全郭  
侍郎

側目給事錢夢阜直指正域并及沈鯉御史康丕揚  
佐之於是發卒圍正域舟捕其僕隸乳媪十三人  
陳汝忠又獲正域舍人毛尚文江夏布衣王忠康丕  
揚捕高僧達觀琴士鍾澄百戶劉相醫人沈令譽下  
獄考訊無所得羅去聲校且環逼鯉第迫曾不堪  
皇太子遣內監語閣臣曰先生輩容我乞全郭侍郎  
會都察院溫純上書訟之陳矩亦力持之鯉得安上  
命錦衣嚴鞠妖書一貫朱賡請寬疑獄最後錦衣百  
戶崔德緝順天黜生皦生光鞠之生光性險賊善脅

人金坐譴戍大同赦歸終不悛改也猶脅鄭國泰家

方廷訊時不揚等皆欲坐郭正域御史牛應元指天

為誓御史沈裕厲聲折浙生光從重論恐株連多人

無所歸獄生光自誣服歎曰朝廷得我結案如一移

口諸君何處求生活乎刑部尚書蕭大亨必欲窮究

之禮部侍郎李廷機趙世卿告賡謂即此可以具獄

賡以語一貫事得稍解

編甲辰三十二年夏四月皦生光磔窄于市紀提督

東廠司禮太監陳矩上妖書獄移皦生光刑部論斬

陳矩保全  
善類

索元元於  
枯魚之肆

上欲加等以謀危社稷律論磔也。尸矩素清直妖書  
事保全善類為多。生光磔於市。妻子戍邊。妖書非生  
光也。第其人可死。故人不甚憐之。或謂妖書出武英  
殿中書舍人永嘉今浙江趙士禎。後士禎疾篤。自言  
之肉碎落如礫。**編秋**八月。戶部尚書趙世卿上疏請  
停礦稅不報。**紀**時大雨。都城奔壞。世卿上言。蒼生糜  
爛已極。天心示警。可畏。礦稅貂璫當掘墳墓。奸子女  
陛下嘗曰。朕心仁愛。自有停止之日。今將索元元。見  
卷十於枯魚之肆矣。莊子外物篇。莊周貸粟於監河  
八

中涓鮒日無升斗之水以活我乎。周日待我決西江  
水以活汝。鮒日如君言。不如早索我於枯魚之肆也。  
不報。

**編**乙巳三十三年春正月。考察京官。**紀**時主察當屬

祝吏部左侍郎楊時喬。沈一貫憚其方嚴。請以兵部

尚書蕭大亨主筆。疏上。上以時喬廉直。竟屬之時。喬

與都御史溫純力持公道。疏入。留中。**編秋**九月。詔罷

採礦以稅務歸有司。釋礦稅在獄承天諸生沈機等

十二人。**紀**先是禮部侍郎馮琦上言。礦使出而天下

苦更甚於兵。稅使出而天下苦更甚於礦。陛下欲通

詔罷礦稅

下宋時隆  
獄

商。而彼專欲困商。陛下欲愛民。而彼必欲害民。陛下  
戒以勿信撥置。而撥置愈多。陛下責以不許釋騷。而  
釋騷更甚。陛下之心。但欲裕國。不欲病民。羣小之心。  
必自瘠民。方能肥已。疏畱中。至是乃有是詔。

**編**丙午三十四年春正月。逮咸陽知縣宋時隆。下獄。

**紀**時命停礦稅。監梁永堅執以為咸陽。今陝西西安府咸陽縣

潼關。見二卷委官不宜罷。益樹黨布虐。巡撫顧其志

捕惡黨置之法。求大恨之。求又檄吸時隆取絨繒千

五百。時隆不予。遂誣時隆劫稅。閣臣申救。不聽。**編**三

月。雲南礦務太監楊榮被殺。**紀**榮久於滇。見上恣行

威福。杖斃數千人。撈掠指揮樊高明等。盡捕六衛官

人人自危。指揮賀世勳。韓光大。倡眾殺榮。焚其署。徒

黨輜重皆燼。盡事聞。上怒。不食。曰。榮不足惜。何紀綱

頓至此。罪其首事。罷中使。不遣。以稅課歸四川稅使

丘乘雲。世勳下獄死。光大戍邊。**編**夏六月。大學士沈

一貫。沈鯉罷。**紀**吏科給事中陳良訓。御史孫居相。劾

沈一貫奸貪。一貫連疏乞休。始允。鯉居位四載。嘗列

天戒民窮十事。書之於牌。每入閣。蛤則拜祝之。或讒

十事書牌  
拜祝



鯉為詛阻去聲。上命取觀之。曰：此非詛，呪語也。妖書事起，危甚。賴上知其心得無恙，及放歸，得旨不如一貫之優，各賜金幣，鯉半之。出都日，猶有讒其衣紅袍，閱邊者。中官陳矩為去聲解，乃已。居相奪歲俸，良訓調外。

**編**丁未三十五年夏五月，以禮部左侍郎李廷機、南京禮部右侍郎葉向高為禮部尚書兼東閣大學士。直文淵閣，復諭朱賡召舊輔王錫爵，辭不至。**紀**時顧憲成見上移書向高言：近日輔相以摸稜稜，四方木。摸之可左。

顧憲成移書葉向高

引張禹胡廣為戒

可右。唐武后時，蘇味道為相，依阿取容，嘗謂人曰：處事不宜明白，但摸稜持兩端可矣。時人謂之蘇摸稜。為工，賢否混淆。引張禹、胡廣為戒。禹、漢成帝朝相，廣、漢桓靈朝相，皆柔佞取容者。廷機故出沈一貫門，人多疑之。給事中王元翰、御史陳宗契等交章劾廷機。廷機故清介，而攻之者，詆為輦金與援。御史葉永盛極辨之。廷機伏闕辭，不允。上下旨切責元翰等。**編**秋七月，撤陝西稅監梁永還京。**編**貶叅政姜士昌、廣西僉事**紀**總督漕運李三才上言：廢棄諸臣，祇以議論意見一觸當路，永棄不收。總之於陛下無忤，今乃假主威以錮諸臣，又借忤

王安石用  
廉禍宋

主之名以飾主過。負國負君。莫此為甚。參政姜士昌  
齋表入京。奏別遺奸錄。遺逸遺奸。指王錫爵。沈一貫  
朱賡。又曰。古今稱廉相。必稱唐楊綰。代宗杜黃裳。憲  
相。然二賢皆推賢好士。惟恐不及。而王安石。宋神宗  
相。用廉也。驅逐諸賢。竟以禍宋。時李廷機有清名。故士  
昌規及之。賡廷機上疏辨。降士昌廣西僉事。御史宋  
燾論救。謫平定州判。加謫士昌興安典史。

尺木堂明鑑易知錄卷之十

尺木堂明鑑易知錄卷十一

周之炯靜專

上虞朱國標聖懷鈔

山陰吳乘權楚材同輯

周之燦星若

明紀

神宗顯皇帝

編戊申三十六年夏五月。謫禮部主事鄭振先普安  
州判。紀振先劾輔臣朱賡李廷機大罪十二。指沈一  
貫賡廷機為過去現在未來三身。布置接受。從風而

過去現在  
未來三身

寒暑閉門  
無履跡

京民訛傳

靡上以其誣詆遂謫編秋九月起孫丕揚太子少保  
吏部尚書編冬十月起吏部文選郎中顧憲成爲南  
京光祿少卿辭不至編十一月朱賡卒紀賡性淳謹  
同鄉沈一貫當國善調護故妖書楚獄禍不蔓萬延  
賡卒李廷機當首揆言路益攻之廷機決計不出葉  
向高獨相而攻廷機者未已也遂移居演象所之真  
武廟乞放凡五年至萬曆四十年始得請寒暑閉門  
無履跡編以李化龍爲兵部尚書  
編己酉三十七年春正月北敵在邊講賞紀京民訛

葉向高因  
訛傳上言

傳警至街市喧動安定德勝二門百姓爭入城避難  
大學士葉向高上言今日事本無實但敵人窺伺民  
心驚惶之狀亦可槩見矣計鎮去京師甚近敵騎  
動輒數萬我邊軍皆飢寒窮困勢必不支萬一潰會  
邊而入抵國門在呼吸間安知今日之訛傳不爲他  
日之實事都下人民以辨役破家誰肯效守兵部戎  
政兩署止李化龍一人雖其威望才猷真堪倚任但  
軍務倥孔總也不難於肆應況化龍抱病豈能臥  
治伏望陛下將所推兵部兩侍郎先行檢發使緩急

有人不致臨時失措。至戶部庫銀止存八萬兩。即使盡發。所濟幾何。臣誠不知計之所出也。**編**二月。御史鄭繼芳劾工科右給事中王元翰。元翰亦奏辨。劾繼芳。俱不報。**紀**初。給事中王紹徽善湯賓尹。營入閣甚急。嘗語元翰曰。公語言妙天下。漢元帝朝長安令楊君房下筆言語妙天下。興謂待詔賈捐之日。君房下筆言語妙天下。即一札揚湯君。湯君且為公死。下。君房捐之字。世間如湯君可恃也。元翰辭焉。紹徽銜恨也。之。因嗾藪繼芳。撫職元翰貪婪。盧舍反。不法事。元翰奏辨。且劾繼芳為王錫爵等吐氣也。**編**夏四月。吏科糾擅去諸

言語妙天下

科道互相攻訐

**臣**紀初。工科給事中孫善繼拜疏。竟去。劉道隆繼之。王元翰顧天峻。李騰芳。陳治則。各先後去。命削善繼籍。道隆等各降秩。時南北科道互相攻訐。至不可問。**編**戶科給事劉文炳請召鄒元標。不報。**編**冬十二月。工部主事邵輔忠劾總督漕運李三才。工科給事中馬從龍等疏救。俱不報。**紀**輔忠論三才結黨徧天下。前圖枚上。虞書。枚上功臣。惟吉之從。注枚。今圖總憲。下。歷上之也。謂人人而上之。四岳薦鯀。漢臣諛莽。天下之大可憂也。時三才需次內臺。輔忠首劾之。繼以御史徐兆魁。三才奏辨。馬從

偶壬亥  
偶有羅列  
地陷

龍御史董兆舒彭端吾南京工科給事中金在衡交  
章為三才辨俱不報三才負才名初為山東藩臬有  
聲民歌思之撫淮十年方稅璫橫甚獨能捕其爪牙  
璫為之斂跡三才多取多與收採物情用財如流水  
顧憲成之左右譽平言日至憲成信之亦為遊揚三  
才嘗宴憲成止蔬果三四色厥明盛陳百味憲成訝  
而問之三才曰此偶然耳昨偶乏即寥寥今偶有故  
羅列憲成以此不疑其綺靡至是挾縱宗橫宏之術  
與言者為難公論黜之編薊鎮地陷遼東地震甘

地震如雷  
大水  
大旱

肅地震如雷編江西福建大水紀溺死民人各十餘  
萬編是歲山西大旱山東旱蝗真定保定等府大旱  
赤地千里  
編庚戌三十八年春正月葉向高請補閣臣又請東  
宮講學皆不報編夏五月吏部主事王三善乞勘李  
三才不報紀前吏部郎中顧憲成遺書葉向高謂三  
才至廉至淡漠勤學力行為古醇儒當行勘以服諸  
臣心時給事中金士衡段然力保三才給事中劉時  
俊兵部郎中錢宗爭之紛如聚訟

朱一桂等  
劾東林黨

編辛亥三十九年春二月前大學士王錫爵卒。總督漕運李三才罷。編夏四月南京國子監祭酒湯賓尹御史王紹徽喬應甲等俱降調。編五月給事中朱一桂御史徐兆魁上言京察盡歸黨人不報。紀一桂兆魁疏言顧憲成講學東林。見上卷十四遙執朝政。結淮撫李三才傾動一時。孫丕揚湯兆京丁元薦角勝附和京察盡歸黨人不報。編秋九月皇貴妃王氏薨。紀妃雖生皇太子失寵。目眇。生上聲。目病生翳。比疾篤太子始知之。亟至宮門尚閉。挾淵入鑰而入。妃手太子衣而

泣曰見長大如此我死何憾太子慟左右皆泣莫能仰視須臾薨。

編壬子四十年春二月吏部尚書孫丕揚挂冠出都。編夏四月大學士葉向高上疏乞休不報。秋九月李廷機出都。編冬十月葉向高請福王之國。紀報明年春舉行。

編癸丑四十一年春正月禮部請東宮開講福王就國不報。編二月御史劉廷元劾光祿寺少卿于玉立依附東林風波翻覆宜顯斥不報。編夏六月錦衣衛

葉向高密揭

百戶王日乾下獄。紀日乾許奏奸人孔學與皇貴妃宮中內侍龐劉諸人請妖人王子詒詛阻去聲呪書皇太子刻木像聖母陛下釘其目。又約趙思聖在東宮侍衛帶刀行刺。語多涉鄭貴妃福王。葉向高語通政使其參疏。與日乾奏同上之。向高密揭日乾孔學皆京師無賴。譎舟張也至此此大類往年妖書見上卷二。但妖書匿名難詰乞。今兩造操去聲。造至也。兩造謂兩爭者皆至也。周書呂刑兩造具備俱在法司。其情立見。陛下第靜俟勿為所動。動則滋擾。上初覽日乾疏震怒。及見揭意解遂不

問東宮遣取問揭向高曰。皇上既不問則殿下亦無庸更覽。太子深然之。尋御史以他事劾日乾下之獄。踰年而挺庭上聲擊之獄興。編冬十月禮科給事中元其詩教劾東林顧憲成。紀詩教上言今日之事始於門戶。門戶始於東林。東林倡於顧憲成。刑部郎中于玉立附焉。憲成自賢。玉立自奸。賢奸各還其人而奔競。招搖羽翼。置之言路。爪牙列在諸曹。關通大內。操縱朝權。顧憲成而在寧願見之哉。未刺及葉向高向高奏辨。編以吏部左侍郎方從哲禮部左侍郎吳道

南並為禮部尚書東閣大學士直文淵閣

編甲寅四十二年春二月慈聖皇太后李氏崩命

福王之國洛陽

各省稅課減三分之一編三月福王常洵之國洛陽

編秋八月大學士葉向高致仕

編乙卯四十三年夏五月梃擊事起詔法司嚴刑鞫

審磔張差于市紀是月己酉有不知姓名男子持棗

木棍撞入慈慶宮打傷守門內官李鑑直至前殿簷

下內官韓本用等執縛付東華門守衛指揮朱雄等

收之次日皇太子奏聞命法司提問庚戌巡視皇城

梃擊事起

御史劉廷元奏人犯供名張差係薊計州屬直隸井

兒峪育民語言顛倒形似風狂臣再三考訊本犯嘸

嘸鏡稱喫齋討封等語話非實情詞無倫次按其迹

若涉風魔稽其貌的係黠閑入聲猾狡也情境叵測不可

不詳鞫重擬乙卯刑部郎中胡士相岳駿聲等審張

差供被李自強李萬倉燒差柴草氣憤於四月內來

京欲赴朝聲冤從東進不識門徑往西走適路遇男

子二人給臺上聲曰爾無憑據如何進爾拏棍子一

條便可當作冤狀等語差日夜氣忿矢志顛狂遂於



五月初四日。手拏棗木棍一條。仍復進城。從東華門。直至慈慶宮門。首打傷守門官。走入前殿下。被擒。擬依宮殿前射。石箭放彈。投輓石傷人律。斬決不待時。戊午。刑部提牢主事王之宋言。本月十一日。散飯獄中。未至新犯張差。見其年壯力強。非風顛人。臣問實招與飯。不招當飢死。卽置飯差前。差見飯低頭。已而云不敢說。臣乃麾吏書命去。止隔一役扶問之。招稱張差小名張五兒。父張義病故。有馬三舅李外公。此我跟不知姓名老公。說事成與爾幾畝地。種老公騎

馬。我跟走。初四到京。問何人收留。復云到不知街道大宅子。一老公與我飯。說汝先衝一遭。撞見一個打殺一個。打殺了。我等救得汝。遂與我棗棍。領我由厚載門進到宮門上。守門阻我。我擊之墮地。已而老公多。遂被縛。又招有柏木棍。琉璃棍。棍多人衆等情。其各犯姓名。至死不招。臣看此犯不顛不狂。有心有膽。願陛下縛兇犯於文華殿前。朝審。或赦九卿科道三法司會問。則其情立見矣。辛酉。戶部郎中陸大受言。青宮何地。男子何人。而橫肆手棍。幾驚儲蹕。此乾坤

何等時邪。北人好利輕生，有金錢以結其心，則輕爲人死。有臣子所不忍言者，張差業招一內官，何以不言其名。明說一街道，何以不知其處。彼三老三太，互爲表裏，而所供霸州屬順天府武舉高順寧等，今竟匿於何所。變豈無因，警甚非小。乞陛下大振乾綱，務在首惡，必得邪謀，永銷明肆。凶人於朝市以謝天下，疏中有姦戚二字，上惡之，與之寀疏俱不報。御史過庭訓爲移文薊州踪跡之，知州戚延齡具言其致顛始末。諸臣據爲口實，以風顛二字定爲鐵案矣。乙丑刑部

司官胡士相陸夢龍鄒紹先朱瑞鳳等再審。張差供稱馬三舅名三道，李外父名守才，同在井兒峪居住。又有姐夫孔道住本州城內，不知姓名。老公乃脩鐵瓦殿之龐保，不知街道大宅子，乃住朝外大宅之劉成。三舅外父常往龐保處送灰，龐劉在玉皇殿商量，與我三舅外父通遣我來等語。刑部行薊州道提解馬三道等疏，請法司提龐保劉成對鞫。給事中何士晉上言：頃者張差持梃突入慈慶宮，事關宗社安危，陛下宜何如震怒。三事大臣宜何如計安。乃旬日以

來似猶泄泄。異。弛。緩之意。豈刑部主事王之案一疏果無故而發大難之端邪。雖事涉宮闈。百宜慎重。然謀未成。機未露。猶可從容曲處。今形見勢逼。業已至此。所謂亂臣賊子。人人得而誅之。明主可與忠言。此事寧無結局。疏留中。閣臣促之。上諭曰。朕自聖母升遐。見卷三奉襄大典。襄成也。葬日襄事。追思慈恩。罔極哀慕。不勝升方在靜攝中。突有風顛。奸徒張差。持梃闖入青宮。震驚皇太子。致朕驚懼。身心不安。朕思太子乃國根本。豈不深愛。已傳內宮添人守門防護。連日覽

卿等所奏。姦宄叵測。行徑隱微。既有主使之入。即著灼三法司會同擬罪具奏。是日刑部據戚知州回文以上。壬申。上再諭法司嚴刑鞠審。速正典刑。時語多涉戚臣鄭國泰。鄭貴妃弟國泰出揭自白。何士晉復奏。陸大受疏內。雖有身犯姦戚等語。並未直指國泰主謀。此時張差之口供未具。刑曹之勘疏未成。國泰豈不能從容少待。輒爾具揭張皇。人遂不能無疑。若欲釋疑。計惟明告宮中。力求陛下。速將張差所供。龐保劉成立。送法司考訊。如供有國泰主謀。是大逆罪人。臣

等執法討賊。不但宮中不能庇。即陛下亦不能庇。設與國泰無干。臣請與國泰約。令國泰自具一疏。告之陛下。嗣後凡皇太子。皇長孫。一切砌起居。俱係鄭國泰保護。稍有疎虞。即便坐罪。則人心帖服。永無他言。若今日畏各犯招舉。一惟熒惑聖聰。久稽廷訊。或潛散黨與。使遠遁。或陰斃張差。使滅口。則疑復生。疑將成實事。惟有審處。以消後禍。不報癸酉。駕幸慈寧宮。召見百官。輔臣方從。哲吳道南。暨文武諸臣。先後至。內侍引至聖母靈次。行一拜三叩頭禮。上西向倚。

左門柱設低座。皇太子侍御座右。三皇孫鴈行立左階下。上宣諭曰。昨忽有風顛張差。闖入東宮。傷人。外庭有許多閒說。爾等誰無父子。乃欲離開我邪。適見刑部郎中趙會楨所問招情。止將本內有名人犯張差。龐保。劉成。即時陵遲處死。其餘不許波及無辜一人。以傷天和。以驚聖母神位。尋執東宮手。示羣臣曰。此兒極孝。我極愛惜。乃以手約皇太子體曰。彼從六尺孤。養至今成丈夫矣。使我有別意。何不於彼時更置。今又何疑。且福王既已至國。去此數千里。自非宣。

名彼能飛至邪。因命內侍傳呼三皇孫至石級上。命諸臣熟視。諭曰。朕諸孫俱已長成。更有何說。顧問皇太子。爾有何語。與諸臣悉言無隱。皇太子曰。似此風顛之人。決了便罷。不必株連。又曰。我父子何等親愛。外廷有許多議論。爾輩為無君之臣。使我為不孝之子上。又持皇太子面向右。問羣臣曰。爾等俱見否。眾俯伏謝。乃命諸臣同出。甲戌。決張差於市。尋刑部審馬三道。李守才。孔道。以左道從律論。應流。李自強。李萬倉。應答從之。尋斃龐保。劉成於內庭。王之寀為科。

講學曠十二年  
加稅監歲  
賜呂貴緋魚服

臣所糾黜。開住。補何士晉於外。編秋八月。命內官呂貴暫提督浙江織造。江西稅監潘相檄催福建廣東稅課。九月。江西湖口稅廨火。大學士吳道南請罷湖口商稅。不報。編丙辰十四年夏。四月。雷火焚通州稅監張曄業樓。居御史金汝諧請罷稅使。不報。編秋八月。皇太子出閣。蛤講學。蓋曠期十二年。編萬壽節。加稅監河南胡江。江西潘相。通灣張曄。天津馬堂。四川丘乘雲。南京劉朝用。歲祿賜呂貴緋魚服。緋衣銀魚也。唐制給隨身魚袋。三品以上賜紫。則給金魚。

五品以上賜緋則給銀魚

編丁巳四十五年春三月京畿旱。編京察革刑部主事王之案職為民戶部郎中陸大受等被斥。紀時葉向高既去。方從哲為相無所短長。吏部尚書鄭繼之主察科臣徐紹吉臺臣韓浚佐之初之案以倡爭挺擊一案為韓浚所糾大受議論與之案合。至是並罷。時上於奏疏槩畱中無所處分。惟言路一糾其人自罷去。不待旨也。於是臺省之勢積重不返。有齊楚浙三方鼎峙雉也。立也。之名。齊為元詩教韓浚周永春楚為

齊楚浙三方鼎峙

官應震吳亮嗣浙為劉廷元姚宗文勢甚張。湯賓尹輩陰為之主。賓尹負才名而淫污。辛亥京察被斥。至是察典竣竣。已事而退。立日峻。韓浚以問鄉人給事中張華東華東曰。王之案論甚正。何為重處之。浚驚愕不語。編夏六月江浙旱蝗。秋七月山東山西旱蝗。大學士吳道南罷。以父喪去位。編九月湖廣飛蝗蔽天。夏旱秋潦。編江西大水。冬十一月隆德殿延禧宮災。福建大水。編戊午四十六年春正月我

大清太祖高皇帝

王命印死

頗廷伯梁汝貴死節

日中黑子相鬪

大清太祖高皇帝天命元年紀夏四月。

大清遣所部詣撫順市潛以兵踵至襲之城陷守將

王命印死之執遊擊李永芳用漢字傳檄吸清河勝

北關歸順遼撫李維翰趣促總兵張承胤移師應援

大清兵佯退明兵直前遇伏萬騎突出承胤及副將

頗廷伯遊擊梁汝貴等皆死之一軍盡沒京師震駭

命起舊將李如柏總遼鎮兵杜松屯山海關徵劉綎

柴國柱赴京調度編以前遼撫楊鎬為兵部右侍

郎經略遼東編閏月日中有黑子相鬪五月朔有

黑日掩日

鄒儲賢張旆死節

黑日掩日日無光編秋七月。

大清兵圍清河參將鄒儲賢援遼遊擊張旆死之紀

大清兵從鴉鵲魂入關入圍清河儲賢拒守旆請戰

不許大清兵冒版抉淵入牆隙壞也東北角登城

旆戰死儲賢遙見李永芳招降大罵赴敵而死自三

岔汾河至孤山並遭焚燬惟參將賀世賢於變哀上

陽邊外血戰斬首百五十四級編賜經略楊鎬尚方

劍諭飭諸邊紀鎬至河東發陽寬奠之兵已去乃斬

清河逃將陳大道等以徇議徙寬奠民人於遼陽會

朝鮮王遣其議政府右叅贊姜洪立等統兵萬人從征。議乃止。編八月。以太常寺少卿周永春為遼東巡撫。設援遼餉司。

兵趣楊鎬進

編己未。四十七年春正月。趣促經略遼東楊鎬進兵。紀上以四方援遼兵馬大集。楊鎬奏報稽延。恐師老財匱。下廷議。大學士方從哲。兵部尚書黃嘉善。兵科給事中趙興邦等。發紅旗趣鎬進兵。時蚩尤旗長竟天。彗見東方。星隕地震。識者知為敗徵。鎬乃會總督汪可受。巡撫周永春。巡按陳王廷等。議以二月十一

識者知為敗徵

楊鎬分道出師

日誓師。二十一日出塞。編二月。楊鎬遣總兵官馬林。杜松。李如柏。劉綎分道出師。紀鎬誓師。分為四路。林率遊擊麻岩。丁碧。都司竇永承。督北關金台。失兵。由靖安堡出邊。趨開原。鐵嶺。攻其北。松率都司劉遇節等。由撫順關出邊。趨瀋陽。攻其西。如柏率叅將賀世賢。李懷忠等。由鴉鶻關出邊。趨清河。攻其南。綎率都司祖大定。喬一琦。督朝鮮兵。由瞭諒馬佃出邊。趨寬奠。攻其東。是月十九日出兵。值大雪。兵不前。師期洩。編三月。明師與



杜松死節

大清兵戰敗績。紀杜松欲立首功。越五嶺關。先期抵渾河。既渡。遇伏。松血戰突圍。力竭而死。兵無存者。馬

麻岩死節

林改由三岔堡出邊。抵二道關。聞松沒。結營自固。大清兵乘勝來攻。林敗。遊擊麻岩死之。劉綎獨縱兵

劉綎死節

馬家寨口。深入三百餘里。克十餘寨。大清兵詭作杜松兵。披其衣甲。為嚮道。誘入重圍。衆潰。綎沒於陣。惟清河一路。李如柏以經略合撤回。獲全。是役也。楊鎬軍機不密。諸事宜洩。大清軍處處為備。故敗。文武將吏死者三百一十餘員。軍士死者四萬五千八

熊廷弼宣慰遼東

李長庚出督遼餉

百餘人。事聞。京師大震。編名陝西總督楊應聘為兵部左侍郎。甘肅巡撫祁光宗為兵部右侍郎。起前御史熊廷弼為大理寺丞。往遼東宣慰軍民。編徵李如柏聽勘。以逗遛。以如柏弟都督李如楨代將。諭經略楊鎬戴罪視事。編詔以山東巡撫李長庚為戶部右侍郎兼右僉都御史。出督遼餉。駐天津。編夏五月。大清兵入撫順。以偏師躡。鐵嶺撫安堡。編六月。大清兵由靜安堡入。遂克開原。紀西部亦以三萬騎由亮河入。圍鎮西堡。於是瀋陽鐵嶺軍民皆奔潰。編

熊廷弼經略遼東

姚宗文閱遼

以熊廷弼為都察院右僉都御史兼兵部右侍郎賜尚方劍。經略遼東。廷弼即日就道。編起泰寧侯陳良弼總督京營。名南京兵部尚書黃克纘協理戎政。改差御史張銓按遼。編以科臣姚宗文查閱援遼兵馬。編秋七月。

大清兵由三岔堡入。攻鐵嶺克之。編八月。逮前經略楊鎬。紀鐵嶺既失。熊廷弼率八百人抵廣寧。是月三日受代。上度廷弼已受事。乃遣緹騎見卷七逮鎬。編熊廷弼奏李如楨罪。請亟調李懷信代將。編是月。

大清兵破金台。失白羊骨寨。北關遂亡。編命李懷信赴遼。命少詹事徐光啓兼河南道御史。訓練候調諸營。予薊遼總督汪可受回籍。編釋罪弁便郭有光。劉孔胤麻承恩往援遼。編冬十一月。大清兵入龍潭口。築城撫順邊外。

編庚申四十八年夏。四月。皇后王氏崩。編五月。大清兵略地花嶺。編帝不豫。紀召大學士方從哲於臥榻前。諭以東事告急。卿宜加意籌之。編六月。大清兵深入至渾河。總兵賀世賢柴國柱拒却之。編

王安忠直  
停止礦稅

秋七月帝崩。紀上疾大漸。名閤臣方從哲諭曰：朕嗣祖宗大統，歷今四十八年，久因國事焦勞，致成痲疾。脚冷溼病，氣不生也。遠不能起，有負先皇付託，惟皇太子在青宮，有年，實賴卿與司禮監協心輔佐，功在社稷，萬世不泯。特諭卿知，從哲出，皇太子不得入。兵科給事中楊漣、御史左光斗語東宮內侍王安曰：上疾甚而不召皇太子，非上意也。安素忠直，東宮多賴其調護。是日上崩。編皇太子令停止礦稅。紀收稅內監張曄馬堂、胡賓、潘相、丘乘雲等並撤回。編皇太子令發帑。

銀一百萬兩解赴九邊。

光宗貞皇帝

名常洛，神宗太子，在位一月。未及改元而崩，壽三十九歲。

編八月太子常洛即位。紀詔以明年為泰昌元年。上

宣大行皇帝

見二卷

遺命欲尊鄭貴妃為皇后，命查

例。禮部尚書孫如游疏言：祖宗朝其以配而后者，乃

敵體之經，其以妃而后者，則從子之義。故累朝非無

抱衾之愛，終引割席之嫌者，以例所不載也。皇貴妃

事先帝有年，不聞倡議於生前，而願遺詔於逝後，豈

先帝彌留

見六卷

之際，遂不及致詳邪？王貴妃誕育

孫如遊諫  
尊鄭貴妃

明鑑易知錄 卷十一  
陛下恩典尚爾有待。乃令他人得母其子。恐九原不無怨恫也。鄭貴妃賢而習於禮。處以非分。必非其心。所樂書之史冊。傳之後世。有悖典禮。且昭先帝之失。非所以為孝也。臣不敢奉遺命。從之。編以汪應蛟為工部尚書。董從儒為工部右侍郎。鄒元標為大理寺卿。劉光復為光祿寺丞。周曰庠。朱一桂。並為太僕寺少卿。朱國祚為南京禮部尚書。馮從吾為尚寶司卿。李宗延為光祿寺少卿。以袁應泰為遼東巡撫。編以翰林院侍讀學士劉一燝。韓爌。並為禮部尚書。

李選侍

東閣大學士直文淵閣。編帝不豫。紀乙卯。上有疾。傳諭禮部曰。選侍李氏侍朕勤勞。皇長子生母薨逝後。奉先帝旨。委託撫育。視如親子。厥功懋焉。其封為皇貴妃。丁巳。上力疾御門視事。聖容頓減。己未。內醫崔文昇下通利藥。上一晝夜三四十起。支離牀褥。聞辛酉。上不視朝。方從哲等赴宮門候安。有數夜不得睡。日食粥不滿盂。頭目眩暈。身體罷疲。軟不能動履。之旨。乙丑。給事中楊漣上言。醫家有餘者。泄之不足者。補之。陛下哀毀之餘。一日萬幾。於法正宜清補。賊

臣崔文昇反投相伐之劑其肉寧足食乎。臣聞文昇調護府第有年。不聞用藥。謬誤陛下。一用文昇倒置。若此。有心之誤。邪。無心之誤。邪。有心則。蠶粉不足償。無心則。一誤豈可再誤。陛下奈何置賊臣肘腋間哉。刑部主事孫朝。肅徐世儀。御史鄭宗周。上書方從哲。請冊立皇太子。且移居慈慶宮。庚午。上名閣部九卿。至楊前。諭曰。選侍數朔產不育。止存一女。隨傳皇長子出見。上又言皇五子亦無母。亦是選侍撫育。傳皇五子出見。辛未。上名諸臣於乾清宮。又諭速封選侍。

甲戌。上再召諸臣於乾清宮。仍諭封皇貴妃。語未既。選侍披幃立。呼皇長子入。咄咄敦入聲語復趣促之出。皇長子向上曰。要封皇后。上不語。從哲等以冊儲原旨。期宜改近。上因顧皇長子。諭曰。卿等輔佐為堯舜。又語及壽宮。輔臣以皇考山陵對。則自指曰。是朕壽宮。因問有鴻臚寺官進藥何在。從哲奏鴻臚寺丞李可灼。自云仙丹。臣等未敢輕信。上即命中使宣可灼至。診軫也視。具言病源及治法。上喜。命趣和藥進。遂進紅丸。上飲湯。輒喘。藥進乃受。上喜。稱忠臣者再。

李可灼進紅丸

紅鉛

諸臣出宮門外。候少頃。中使傳聖體用藥後。煖潤舒暢。思進飲膳。諸臣歡躍而退。可灼及御醫各官。留時日已午。比未申。可灼出。輔臣迎訊之。可灼具言上恐藥力竭。復進一丸。亟問復何狀。可灼以如前對。編九月。帝崩。紀乙亥朔五鼓。內宣急名。諸臣趨進。而龍馭以卯刻上賓矣。中外籍籍。以李可灼誤下劫劑。恐有情弊。而方從哲擬旨。賞可灼銀五十兩。御史王安舜首爭之。疏言先帝之脈。雄壯浮大。宜清不宜助。明矣。紅鉛乃婦人經水。陰中之陽。純火之精也。而以投

於虛火燥熱之癥。幾何不速之逝乎。輕亦當治。以庸醫殺人之條。乃蒙殿下頒以賞格。臣謂不過借此一舉。塞外廷之議論也。夫輕用藥之罪。固大而輕薦庸醫之罪。亦不小。疏入。乃改票罰俸一年。而議者益起矣。御史鄭宗周疏請寸斬崔文昇。以謝九廟。於是御史郭如楚主事呂維祺。交章論崔文昇。李可灼給事中楊漣。語尚書周嘉謨。李汝華曰。宗社事。太。李選侍。非可託少主者。急宜請見嗣主。呼萬歲。以定危疑。隨擁出宮。移住慈慶。為是二臣。然之以語。方從哲漣遂

先諸臣排闥入閣豎汝挺亂下。漣厲聲曰：皇帝召我等至此，今晏駕。見四卷十五嗣主幼小，汝等阻門不容入，臨去聲哭也。意欲何為？閣者却，諸臣乃入哭。臨畢，請見皇長子，皇長子為選侍，阻於煖閣，不得出。青宮舊侍王安給臺上聲選侍抱持以出，諸臣即叩頭呼萬歲。遂共請詣文華殿，王安擁之行。閣臣劉一燝掖左，勳臣張維賢掖右，內侍李進忠傳選侍命，召還皇長子者三，喝諸臣曰：汝輩挾之何往？漣叱之共擁皇長子登輿，至文華殿，羣臣請即日登極，不允。諭初六日即

合疏請選侍移宮  
左光斗請選侍移宮疏

位復擁入慈慶宮。一燝奏曰：今乾清宮未淨，殿下請暫居此。丙子尚書周嘉謨等合疏請選侍移宮，御史左光斗上言：內廷之有乾清宮，猶外廷之有皇極殿也。惟皇上御天居之，惟皇后配天得共居之，其餘嬪妃雖以次進御，遇有大故，即當移置別殿，非但避嫌亦以別尊卑也。今大行皇帝賓天，選侍既非嫡母，又非生母，儼然居正宮而殿下乃居慈慶，不得守几筵，行大禮，名分倒置，臣竊惑之。且殿下春秋十六齡矣，內輔以忠直老成，外輔以公孤卿貳，何慮乏人。尚須

乳哺步而襁聲上負之哉。即貴妃之請許於先皇彌留見之際其意可知。且行於先皇則俯錫之名猶可。行於殿下則尊聞之稱有斷斷不可者。倘及今不早斷借撫養之名行專制之實。武氏之禍將見於今。戊寅選侍用李進忠謀邀皇長子同宮。楊漣遇進忠於宮門問選侍移宮何日。進忠搖手曰。李娘娘怒甚。今母子一宮。正欲究左御史武氏之說。漣叱曰。誤矣。幸遇我皇長子。今非昨比。選侍移宮。異日封號自在。且皇長子年長矣。若屬得無懼乎。進忠默然去。已卯選

侍尚無移宮意。楊漣上言。殿下登極已在明日矣。豈有天子偏處東宮之禮。先帝聖明同符堯舜。徒以鄭貴妃保護為名。病體之所以沉錮。醫藥之所以亂投。人言籍籍至今。抱痛安得不為寒心。此移宮一事。臣言之在今日。殿下行之亦必在今日。疏上。漣復往趨。方從哲從哲曰。待初九十二亦未晚。漣曰。天子無復返東宮理。選侍今不移亦未有移之日。此不可頃刻緩者。內侍曰。獨不念先帝舊寵乎。漣怒曰。國家事大。豈容姑息。且汝輩何敢如是聲徹大內。皇長子使人

移宮不可頃刻緩



選侍移居  
仁壽殿

惠世揚劾  
方從哲

諭漣出命收諸侍李進忠劉遜等選侍移居仁壽殿  
編庚辰皇長子由校即位編給事中惠世揚劾奏大  
學士方從哲。紀世揚上言。鄭貴妃包藏禍心。先帝隱  
忍而不敢言。封后之舉。滿朝倡義執爭。從哲兩可其  
間。是徇平日之交。通而忘宗社之隱禍也。無君當誅  
者一。李選侍原為鄭氏私人。麗色藏劍。且以因緣近  
倖之故。欺抗先聖母。從哲獨非人臣乎。及受劉遜李  
進忠盜藏美珠。夜半密約。請封貴妃。封妃不得。去  
居乾清。是視登極為兒戲。而天子不如宮嬪也。無君

律之趙盾  
許世子

當誅者二。崔文昇輕用剝伐之藥。廷臣交章言之。從  
哲何心。必加曲庇。必律之趙盾。左傳宣公二年晉靈  
公欲殺趙盾。宣子出  
亡。趙盾弑其君。以  
示於朝。宣子曰。不  
然。對曰。子為正卿  
亡。不越境。反不  
討賊。非子而誰。  
許世子。春秋昭公  
十九年。許世子止  
公癯。飲世子止之  
藥。卒。書曰。弑其  
君。者。止不嘗藥也。  
君有疾。飲藥。臣  
先嘗之。父有疾。飲  
藥。子先嘗之。蓋言  
慎也。藥不先嘗。而  
誤進於君。是有忽  
君父之心。何辭  
而不慎。此篡弑之  
萌。堅冰之漸。春秋  
之所謹也。何辭  
弑君之罪。無君當  
誅者三。詔責以輕  
詆大臣。有傷國體。  
編御史馮三元疏論  
遼東經略熊廷弼。紀  
三元言。廷弼無謀者  
八。欺君者三。廷弼  
不罷。遼之存亡未可

姚宗文傾  
熊廷弼  
詔熊廷弼  
回籍聽勘

知也。編科臣姚宗文御史顧慥等疏劾遼東經略熊廷弼。紀初宗文為戶科給事中。以父憂去職。謀起復不得。求廷弼代請。廷弼不從。由是懷怨。後黃緣得吏科。閱視遼東兵馬。廷弼復不為禮。有遼人劉國縉者。以兵部主事贊畫遼東軍務。主募遼人為兵。所募萬七千餘人。逃者過半。廷弼聞於朝。國縉亦怨。兩人相比。傾廷弼。宗文還。即疏詆廷弼。又嗾其黨顧慥。魏應嘉。郭鞏等。交章攻擊。必欲去之。而御史張倚德。科臣魏應科。亦前後疏論廷弼。編詔熊廷弼回籍聽勘。

紀兵科楊漣疏言。頃者傳聞遼左村屯日劫。人民日擄。城堡日空。邊疆日壞。經略熊廷弼以此日被入言矣。議經略者。終難掩其功。憐經略者。亦難掩其咎。功在支撐。辛苦得二載之幸安。咎在積衰。難振。張萬全之無術。為廷弼者。有二策焉。全副精力。報劾君父。知遇之恩。一策也。如以封疆必不可支。病軀必不可起。當繳還敕書。求賢速代。又一策也。廟堂之上。當焦思遠計。外料敵。內料己。求一的當之說。或循資。或破格。擇一的當之人。寧議之而後用。毋用之而後議。東事

熾鸞宮災

其有瘳乎。於是廷弼生疏自辨。前後凡數千言。并請敕馮三元張脩德往遼查勘遼事。有無破壞。勿使後人代受其過。又疏繳還劍。敕有旨。熊廷弼解任。回籍聽勘。編冬十月。熾鸞宮災。紀先是御史賈繼春上書輔臣曰。天地之大德曰生。聖人之至德曰孝。先帝命諸臣輔皇上為堯舜。夫堯舜之道。孝弟而已矣。父有愛妾。其子終身敬之不忘。先帝之於鄭貴妃。三十餘年。天下側目之隙。但以篤念皇祖。渙然冰釋。何不輔皇上取法而乃作法於涼。縱云選侍原非淑

德。夙有舊恨。此亦婦人女子之常態。先帝彌留。見之日。親向諸臣諭以選侍。產有幼女。獻。欵。見七情事。草木感傷。而況我輩臣子乎。伏願閣下委曲調護。令李選侍得終天年。皇幼女不慮意外。御史左光斗言。選侍既移宮之後。自當存大體。捐其小過。若復株連蔓引。使宮闈不安。是與國體不便。亦大非臣等建言初心。伏乞陛下正劉遜李進忠法外。其餘槩從寬政。疏入。上傳諭內閣。朕幼冲時。選侍氣陵聖母。成疾崩逝。使朕抱終天之恨。皇考病篤。選侍威挾朕躬。傳封

袁應泰經略遼東

皇后朕心不自安暫居慈慶選侍復差李進忠劉遜等命每日章奏文書先奏選侍方與朕覽朕思祖宗家法甚嚴從來有此規制否朕今奉養選侍於熾鸞宮仰遵皇考遺愛無不體悉其李進忠等事于憲典原非株連卿可傳示遵行至是熾鸞宮災上諭選侍皇妹俱無恙編詔改萬曆四十八年為泰昌元年編兵部尚書黃嘉善罷命刑部尚書黃克纘攝兵部事兼理戎政編葬定陵神宗編以巡撫袁應泰經略遼東編命兵科給事中朱童蒙往勘遼事紀御史馮三

朱童蒙往勘遼事

元張脩德給事中魏應嘉復論熊廷弼廷弼復疏辨上諭閣部科道魏應科馮三元張脩德與熊廷弼互相奏擾就著魏應嘉等前往遼鎮會同彼處撫按勘明具奏兵科楊漣等言從來奉旨行勘就令各地方撫按官勘報或遣官會勘未有即以言事之官勘所言之事者就令勘得逼真誰肯心服乞收回成命毋傷從來勘事之體上乃改命朱童蒙往編徵輔臣葉向高朱國祚史繼偕沈淮確何宗彥入閣編特簡禮部尚書孫如游入閣辦事編十二月兵科都給事

中楊漣疏請加恩李選侍及皇妹。**紀漣**上言。臣初請  
 李選侍移宮。蓋以正體統而尊朝廷也。移宮之後。有  
 倡言。選侍徒跣。先上聲。赤足。踉蹌。踉。蹌。不正也。欲自縊者。  
 皇八妹失所。遂投井者。事關他日。不白之案。望陛下  
 於皇弟皇妹。時時廬念。李選侍量加恩數。并祈傳知  
 閣部。以服中外之心。疏入。上優詔答之。**編**大學士方  
 從哲乞歸許之。

尺木堂明鑑易知錄卷之十一

早稲田大学図書館

011688996734